

ইউরোপীয়-লিখিত প্রাচীনতম মুদ্রিত
বাদলা পুস্তক


GOVERNMENT OF INDIA
NATIONAL LIBRARY, CALCUTTA.

Class No. *182Mb*

Book No. *900.6*

N. L. 38.

MGIPC—S1—12 LNL/58—23.5.58—50,000.



ইউরোপীয়-লিখিত প্রাচীনতম মুদ্রিত বাঙ্গালা পুস্তক*

(“কুপার শাস্ত্রের অর্থভেদ” ।)

ইংরাজ আবির্ভাবের পর কখনোই সর্বপ্রথম ইউরোপীয়-লিখিত প্রাচীন মুদ্রিত বাঙ্গালা পুস্তক, তৎসম্বন্ধে যথেষ্ট মতভেদ রহিয়াছে। এই প্রসঙ্গে দীনেশ বাবুর নবপ্রকাশিত বঙ্গ-সাহিত্যের ইতিহাসে (*History of Bengali Language and Literature*, 1911, p. 848) হালহেদের ব্যাকরণের (১৭৭৮ খ্রীঃ অঃ) পূর্বে অল্প কোন গ্রন্থের উল্লেখ পাওয়া যায় না। শ্রীযুক্ত নগেন্দ্রনাথ বসু তাঁহার সম্পাদিত বিখ্যাত গ্রন্থে ‘বঙ্গসাহিত্য’ শীর্ষক প্রবন্ধে বেণ্টো-রচিত প্রমোত্তরমালা সর্বপ্রথম মুদ্রিত পুস্তক বলিয়া অনুমান করিয়াছেন এবং ইহার রচনা-কাল ১৭৬৫ খ্রীঃ অঃ, এইরূপ নির্দেশ করিয়াছেন। আমি মাঘ, ১৩২২ সালের প্রতিভা পত্রিকায় দেখাইতে চেষ্টা করিয়াছি যে, নগেন্দ্রবাবুর অনুমান নিতান্ত অসুলক এবং তাঁহার নির্দ্ধারিত তারিখও নিঃসন্দেহে গ্রহণ করিতে পারা যায় না।

বেণ্টো বা হালহেদের বহু পূর্বে কতগুলি ইউরোপীয়-লিখিত পুস্তক ও পুস্তকের উল্লেখ পাওয়া যায়। গ্রিয়ারসন্ এসিয়াটিক সোসাইটির জর্নালের দুইটি প্রবন্ধে † দেখাইয়াছেন যে, ১৭৬৫ খ্রীঃ অঃ প্রকাশিত চেম্বারলেন (Chamberlayne) ও উইলকিন্স (Wilkins) সংকলিত সিলোগ্ (Sylloge) নামক পুস্তকে তথাকথিত বাঙ্গালা ভাষায় যীশুখ্রীষ্টের প্রার্থনার (Lord's Prayer) একটি অনুবাদ আছে এবং ইহাই বোধ হয়, ইউরোপীয় লেখকের সর্বপ্রথম বাঙ্গালা রচনা। এই পুস্তকে প্রায় ২০০ বিভিন্নদেশীয় ভাষায় উক্ত প্রার্থনার অনুবাদ দেওয়া হইয়াছে এবং “বেঙ্গলিকা” (‘Bengalica’) শীর্ষক কোনও ছক্কোখা ভাষায় একটি নমুনা পাওয়া যায়। পরবর্ত্তী অনুসন্ধান প্রকাশ পাইয়াছে যে, এই অপরূপ অবোধ্য ভাষা বাঙ্গালা নহে, মলয়-দেশের (Malay) ভাষা এবং উইলকিন্স উক্ত গ্রন্থের মুখবন্ধে লিখিয়াছেন যে, তিনি অনেক চেষ্টা করিয়াও বাঙ্গালা ভাষায় নমুনা না পাইয়া (তাঁহার বিশ্বাস, বাঙ্গালাভাষা লুপ্তপ্রায়।), বাঙ্গালা হরফে (প্রকৃত বাঙ্গালা হরফও নয়) মলয়ভাষায় নমুনা দিয়াছেন। গ্রিয়ারসন্ তাঁহার *Linguistic Survey* (Calcutta, 1903, Vol V. pt i p. 23) গ্রন্থে আর এক-খানি পুস্তকের নাম করিয়াছেন। যোহান্ ফ্রীডরিখ্ ফ্রিট্জ্ (Johann Friedrich Fritz) রচিত ওরিয়েন্টালিশ-উণ্ড-অক্সিডেণ্টালিশর অ্যাথ্‌মাইট্যার (*Orientalisch-und-Occidentalischer Sprachmeister*, Leipzig, 1748) নামক পুস্তকে তিনি জর্জ জ্যাকব কার (Georg Jacob Kehr) প্রণীত ‘আউরংকজেব’ (Aurenokzeb) নামের একখানি

* বঙ্গীয়-সাহিত্য-পরিষদের ২৩শ, ৩য় মাসিক অধিবেশনে পঠিত।

† *Journal of the Asiatic Society, Bengal*, Vol. XLII, 1893, p. 42 ff and *Proceeding of the Society*, 1895, p. 89; vide also, Grierson, *Linguistic Survey*. Vol. V pt. I. p. 23.

প্রাচীন বাঙ্গালা গ্রন্থের উল্লেখ পাইয়াছেন। কিন্তু এই আউরংজেব-চরিত এখন একেবারে হস্তাপ্য এবং ইহার কোনও বিবরণ বা তারিখের ঠিকানাও পাওয়া যায় না।

এই সমস্ত বিক্ষিপ্ত বা লুপ্ত রচনা ছাড়িয়া দিলেও, বাঙ্গালা দেশে পর্তুগীজ আবির্ভাবের পর ইউরোপীয়-লিখিত আরও কতকগুলি গ্রন্থের অমূল্যমান পাওয়া যায়। ১৫৩০ খ্রীঃ অঃ মধ্যে পর্তুগীজগণ এই দেশে, বালেশ্বর হইতে চট্টগ্রাম, হুগলী হইতে ঢাকা পর্য্যন্ত, বহু স্থলে উপনিবেশ স্থাপন করিয়াছিল এবং অষ্টাদশ খ্রীঃ অঃ মধ্যে পর্তুগীজ ভাষা এই দেশের মধ্যে বিলক্ষণ প্রচলিত হইয়াছিল। কবিকঙ্কণেও ‘ফিরাজি’ জাতির উল্লেখ পাওয়া যায় এবং মার্ম্যান প্রভৃতি উনবিংশ খ্রীঃ অঃ প্রারম্ভেও পর্তুগীজ ভাষাকে এই দেশের Lingua Franca বলিয়া নির্দেশ করিয়াছেন। যদিও জলদস্যু ও বাণিজ্য-ব্যবসারিগণের মধ্যে আমরা কোনও সাহিত্য বা পুস্তক রচনা আশা করিতে পারি না, তথাপি পর্তুগীজ মিশনারীগণ এই প্রসঙ্গে অনেক কাজ করিয়াছিলেন বলিয়া বোধ হয়। ১৬৬০ খ্রীঃ অঃ বার্ষিকে বাঙ্গালা দেশে “Jesuits and Augustines”দের কথা লিখিয়াছেন। (Bernier, *Travels*, Ed. Irving Brock, vol ii. p 184-5)। এই রোমান ক্যাথলিক ধর্মব্রাজকগণ কেরী, মার্ম্যান প্রভৃতির বহু পূর্বে যে বাঙ্গালা ভাষা উত্তমরূপে চর্চা করিয়াছিলেন এবং এই ভাষায় পুস্তক রচনা করিয়াছিলেন, তাহার যথেষ্ট প্রমাণ পাওয়া যায়। * জেমস্‌হট পাদরী মার্কস সাতুচি (Marcos Antonio Satuchi S. J) ১৬৭৯ হইতে ১৬৮৪ পর্য্যন্ত এই বাঙ্গালা মিশনের অধ্যক্ষ ছিলেন; তিনি এইরূপ লিখিয়া গিয়াছেন— “পাদরীগণ তাঁহাদের কর্তব্যসাধনে বিরত নহেন; তাঁহারা এই দেশের ভাষা উত্তমরূপে শিখিয়াছেন; অভিধান, ব্যাকরণ, confessionary ও প্রার্থনাপুস্তক প্রভৃতি রচনা করিয়াছেন এবং খ্রীষ্টধর্ম বাঙ্গালা ভাষায় বিবৃত করিয়াছেন; ইহার পূর্বে এ সমস্ত কিছুই ছিল না।” পাদরী হস্টেন আর একখানি পুস্তকানুবাদের কথা জানাইয়াছেন। † পাদরী ফ্রান্সিস ফার্নান্দেজ (Francis Fernandez) সিরিপুর (Siripur) নামক বাঙ্গালার (“Bengalla”) কোনও সহর (বোধ হয়, আধুনিক ঢাকার অন্তর্গত শ্রীপুর) হইতে ১৭ই জুলাই ১৫৯৯ খ্রীঃ অঃ কোনও চিঠিতে লিখিয়াছেন যে, তিনি খ্রীষ্টধর্ম সম্বন্ধে একখানি ক্ষুদ্র পুস্তক এবং কথোপকথনজ্বলে একটি ক্ষুদ্র ধর্মজিজ্ঞাসাগ্রন্থ (Cate-

* সেন্ট জেভিয়ার কলেজের ফাথার হস্টেন এই সম্বন্ধে *Journal of Asiatic Society, Bengal* (Feb. 1911); *Bengal Past and Present* Vol. IX. pt. I. প্রভৃতি পত্রিকায় আলোচনা করিয়াছেন; তাহা ত্রুটি।

† *O Christaa de Tissuary*, Goa, Vol II. 1867, p. 12. quoted by Hosten, S. J in *Bengal, Past and Present*, Vol IX. pt. I

‡ *Bengal, Past and Present*. July to Dec. 1910, p. 220, quoting *Extrait des Lettres du P. Nicholas Pimenta*.....Anvers, Trogneuse, 1601. see also Peirre Du Jarric, *Histoire des Indes Orientales*. 1610. pt IV. chap. xxix to xxxIII. Also see *Relatio Historica de India Orientali*. Anno 1598-9. A. R. P. Nicalao Pimenta, Anno. M D C I.

chism) রচনা করিয়াছেন এবং পাদরী ডমিনিক ডি সোজা (Father Dominio De Souza) এই ছইটি পুস্তকই বাঙ্গালায় ভাষান্তরিত করিয়াছেন। *Lettres Edifiantes* হইতে জানা যায় যে, পাদরী বারবিয়েও (Father Barbier) একটি প্রমোদনমালা পুস্তিকা (Catechism) বাঙ্গালায় রচনা করিয়াছিলেন। এই সমস্ত বিবরণ হইতে স্পষ্ট বুঝা যায় যে, পরবর্ত্তী যুগের কেন্দ্রী, মার্মান প্রভৃতির দ্বারা এই সকল রোমান ক্যাথলিক পাদরীগণ এক অপেক্ষাপূর্ণ গীজ-বাঙ্গালা-সাহিত্যের সৃষ্টি করিতে চেষ্টা করিয়াছিলেন। কত দূর এই চেষ্টা সফল হইয়াছিল, বলা যায় না। কারণ, এই সাহিত্যের কোন বেশী চিহ্নবশেষ বা খোঁজববর পাওয়া যায় না।

এই পূর্ণগীজ-বাঙ্গালা মিশনরী সাহিত্যের যাহা কিছু পাওয়া যায়, তাহার মধ্যে তিনখানি প্রাচীন পাদরী-লিখিত পুস্তক অন্ত্যস্ত কোতুলোদ্ধাপক। এই তিনখানি পুস্তকই ঢাকার নিকটবর্ত্তী ভাওয়ালের অন্তর্ভুক্ত সেন্ট নিকোলাস টলেটিনো মিশনের ধর্ম্মাধ্যক্ষ মানোএল দা আসামসাও কর্তৃক রচিত বা সম্পাদিত।

হট্টেন সাহেব-লিখিত বিবরণ হইতে জানা যায় যে, ইহার প্রথম পুস্তকখানি একেবারেই পাওয়া যায় নাই; তবে তিনি ইহার সম্বন্ধে অনুসন্ধান করিয়া কিছু তথ্য সংগ্রহ করিতে পারিয়াছেন। ইহা খ্রীষ্টধর্ম্মবিষয়ক ধর্ম্মজিজ্ঞাসা-গ্রন্থ (Catechism of Christian Doctrine)। এক জন রোমান ক্যাথলিক খ্রীষ্টান ও হিন্দু ব্রাহ্মণ (Bramene or Master of the Gentoos) এই উভয়ের মধ্যে কথোপকথনচ্ছলে লিখিত এবং Francisco da Silva কর্তৃক লিসবন নগরীতে ১৭৪৩ খ্রীঃ অবঃ মুদ্রিত। ইহাতে খ্রীষ্টধর্ম্মের শ্রেষ্ঠত্ব ও অন্ত্যস্ত ধর্ম্মের ভ্রমসমূহ প্রদর্শিত হইয়াছে। কথিত আছে, বুস্মা (ভূষণা ?) রাজ্য ধ্বংসের পর, বুস্মার কোন রাজপুত্র এই খ্রীষ্টান পাদরীদের আশ্রয়ে আসিয়া খ্রীষ্টধর্ম্মাবলম্বী এবং Don Antonio de Rozario এই নামে পরিচিত হন। নবগৃহীত ধর্ম্মের বহুল প্রচারের উদ্দেশ্যে তিনি বাঙ্গালা ভাষায় এই গ্রন্থ রচনা করেন। এই পুস্তক আগষ্টিনিয়ান সম্প্রদায়ভুক্ত বাঙ্গালা মিশনের অধ্যক্ষ মানোএল দা আসামসাও (Manoel da Assumpcao) পূর্ণগীজ ভাষায় অনুবাদ করেন এবং বাঙ্গালা ও পূর্ণগীজ এই উভয় ভাষায় প্রকাশিত করেন। যদিও এই পুস্তক দুইপ্রাপ্য, ইহার একখানি হস্তলিখিত কপিও ববর হট্টেন সাহেব এভোরা (Evora) সাধারণ-পুস্তকালয়ে পাইয়াছেন।

দ্বিতীয় পুস্তকখানি উক্ত মানোএল দা আসামসাওর রচিত বাঙ্গালা-পূর্ণগীজ ব্যাকরণ-অভিধান। হট্টেন সাহেব এ পুস্তক কোথাও খুঁজিয়া পান নাই, তবে গ্রিয়ার্সন (*Linguistic Survey* Vol, V.) ইহার সংক্ষিপ্ত বিবরণ দিয়াছেন এবং ব্রিটিশ মিউজিয়াম পুস্তকালয়ের তালিকাতে আমি এই পুস্তকের উল্লেখ পাইয়াছি। গ্রিয়ার্সন এই গ্রন্থের পরিচয়-পত্র (Title page) উদ্ধৃত করিয়া দিয়াছেন; তাহা হইতে জানা যায় যে, ইহা আগষ্টি-

* *Lettres Edifiantes et Curieu.* XIII^{es}. Nouvelle Ed. Paris. 1781, p. 278

† কথা : Vocabulario em Idioma Bengalla e Portuguez, dividido em duas Partes

নিম্নান সন্দ্বানকৃত ভারতবর্ষে মিশনের মানোএল দা আসামসাও কর্তৃক রচিত ও লিসবন নগরীতে ১৭৪০ খ্রীঃ অবঃ প্রকাশিত। এভোরার আর্চবিশপ Senhor D. F. Miguel da Tavora নামে উৎসর্গ করা হইয়াছে। এই পুস্তকখানি দুই ভাগে বিভক্ত—১ম ভাগ, বাঙ্গালা-পর্তুগীজ অভিধান (পৃঃ ৪৭—৩০৬); ২য় ভাগ, পর্তুগীজ-বাঙ্গালা অভিধান (পৃঃ ৩০৭—৫৭৭)। আরম্ভ হইতে ৪০ পৃঃ বাঙ্গালা ব্যাকরণের সংক্ষিপ্ত বিবরণ। ইহার সমস্তটা রোমান অক্ষরে মুদ্রিত এবং পর্তুগীজ উচ্চারণের নিয়মামুসারে লিপ্যন্তর (Transliteration) করা হইয়াছে।

তৃতীয় পুস্তকখানি আমাদের অজ্ঞকার আলোচ্য গ্রন্থ। ইহা আমি এসিয়াটিক সোসাইটির পুস্তকাগারে প্রাপ্ত হইয়াছিলাম।* এই পুস্তকের উল্লেখ আমি ১৩২২ সালের মাঘ মাসের 'প্রতিভা' পত্রিকায় করিয়াছিলাম এবং সেই সময় বর্তমান প্রবন্ধ সাহিত্য-পরিষদে প্রেরণ করিয়াছিলাম। কিন্তু নানা কারণে এ পর্যন্ত এই প্রবন্ধ পাঠ বা মুদ্রণের কোনও ব্যবস্থা হয় নাই। ইতিমধ্যে সেন্ট জেভিয়ার কলেজের ফাদার হট্টেন এই পুস্তক সম্বন্ধে *Bengal Past and Present* নবম খণ্ডে একটি প্রবন্ধ লিখিয়াছেন, আমি এইরূপ বন্ধুর শ্রীযুক্ত সুরেন্দ্রনাথ কুমার মহাশয়ের নিকট অবগত হই। পরে হট্টেন সাহেবের নিকট হইতে তাঁহার প্রবন্ধের এক খণ্ড প্রাপ্ত হইয়াছি। বর্তমান প্রবন্ধ রচনার উপরোক্ত প্রবন্ধ হইতে কিছু কিছু উপকরণ প্রাপ্ত হইয়াছি, তাহা যথাস্থলে উল্লিখিত হইয়াছে। কিন্তু বাঙ্গালার উপর দখল না থাকিতে হট্টেন সাহেব শুদ্ধ পর্তুগীজ অংশের উপর নির্ভর করিয়া এই পুস্তকের যে বিবরণ দিয়াছেন, তাহা বাঙ্গালা ভাষার দিক্ হইতে বেশী উপকারে লাগে না।

আলোচ্য গ্রন্থখানির নাম *Crepar Xaxtrer Orth, bhed* (কৃপার শাস্ত্রের অর্থভেদ) বা *Cathecismo da Doutrina Christã*† গ্রন্থের মুখবন্ধ হইতে জানা যায় যে,

dedicado ao Excellent. e Rever. Senhor. D. F. Miguel de Tavora Arcebispo de Evora do Concelho de Sua Magestade Foy Delegencia do Padre Fr. Manoel da Assumpcam Religioso Eremita da Santo Agostinho da Congregacao da India Oriental. Lisboa 1743.

* ফাদার হট্টেনও এই এসিয়াটিক সোসাইটির গ্রন্থ অবলম্বন করিয়া তাঁহার বিবরণ দিয়াছেন। (*Bengal, Past and Present* Vol. IX. pt i. p. 40.)

† এই স্থলে পুস্তকের পর্তুগীজ মুখবন্ধ ও তাহার ইংরাজী অনুবাদ দেওয়া গেল ;—

Certifico eu Fr. Moncel da Assumpcao Reitor da Mis(s)ão de S. Nicolao Tolentino, e (ac)tor deste Compendio ; (e)star O() Compendio tresladado ao pé (da) letra assim o Bengalla, como o (Po)rtugez ; e certifico mais seg() Doutrina que os naturaes mais tendem; e entre todas a mais (pu)rificada de erros, em fé de que esta Certidaõ, e se necessario a juro *In Verbo Sacerdotis*. Ba()l. aos 28. de Agosto de 1734.

Translation—I, Fr. Manoel da Assumpcao, Rector of the Mission of S. Nicholas of Tolentino, and author of this compendium, certify that this compendium is translated literally

সন ১৩৫০] ই উরোপীয়-লিখিত প্রাচীনতম মুদ্রিত বাঙ্গাল। পুস্তক ১৮৩

গ্রন্থকারের নাম Frey Manoel da Assumpcao,* এবং ইহার রচনা ২৮শে আগষ্ট ১৭৩৪ খ্রীঃ অঃ সমাপ্ত হইয়াছিল। এই পর্তুগীজ পাদরী গ্রন্থকার ও উপরোক্ত দুইটি পুস্তকের রচয়িতা বা সম্পাদক মানোএল যে এক ব্যক্তি, তাহাতে সন্দেহ নাই।

আমরা বইখানি খণ্ডিত ও অসম্পূর্ণ অবস্থায় পাইয়াছি। প্রথম দুই একটি পৃষ্ঠা ফুলে ফুলে খণ্ডিত। গ্রন্থের পরিচয়-পত্র (Title page) নাই এবং মধ্যে অনেকগুলি পত্রেরও অভাব। ৩২ হইতে ৪৯, ১৫৪ হইতে ১৫৯, ৩২০ হইতে ৩৩৭ এবং ৩৭০ হইতে ৩৭৩ পৃষ্ঠা নাই। শেষ পত্রের সংখ্যা ৩৮০, কিন্তু এইখানেই গ্রন্থের সমাপ্তি নহে; শেষের অনেকগুলি পৃষ্ঠা নষ্ট হইয়াছে বলিয়া বোধ হয়। কীটদষ্ট ও অসম্পূর্ণ হইলেও ছাপা অতি স্পষ্ট ও সুন্দর এবং এ হিসাবে কালের ক্রুর হস্ত বেশী কিছু অনিষ্ট করিতে পারে নাই।

বইখানি কোথা হইতে মুদ্রিত বা প্রকাশিত হইয়াছে, তাহা বলিতে পারা যায় না। কারণ, Title page-এর অভাব। তবে মানোএলের অতীত পুস্তক বের্লপ লিসবন নগরীতে প্রকাশিত ও মুদ্রিত, সম্ভবতঃ এ গ্রন্থখানিও সেইরূপ। এমিগাটিক সোসাইটির পুস্তকের তালিকাতে এই পুস্তকের প্রকাশস্থান 'Lisbon' ? এইরূপ চিহ্নিত আছে; উক্ত পুস্তকাগারে এই পুস্তক বোধ হয়, March 8, 1845 (1875?) খৃঃ অঃ প্রথম অধিগত হয়; সে সময় ইহার Title page ছিল কি না, বলা যায় না। হাটেন সাহেব বাহার নিকট এই গ্রন্থকার সম্বন্ধে সংবাদ লইয়াছিলেন, তিনি ভ্যালাদলিদ নগরস্থ অগষ্টিন কলেজের কাদার লোপেজ (Lopes) নামক কোনও পাদরী। লোপেজ বলেন যে, এই গ্রন্থের প্রকাশস্থান লিসবন এবং

into Bengali and Portuguese; and furthermore certify that it is the belief most liked by the natives and is most free from all errors; in truth of which I make this statement, and if it is necessary, I swear in the sacred words of the priest. Ba(wa)l. Aug 28, 1734.

হাটেন সাহেবের প্রবন্ধে কাদার লোপেজ যে নোট পাঠান, তাহাতে এই পুস্তককে Abridgment of the Mysteries of Faith বা Compendio dos mistrios de fe এইরূপ বলা হইয়াছে এবং Ossinger (Bibl. Augustiniana p. 84) এই গ্রন্থকে "Cathecismus doctrinae christianae per modum dialogi." এইরূপ অভিহিত করিয়াছেন। বলা বাহুল্য, ইহার কোনটাই পুস্তকের নাম নহে, বর্ণনা মাত্র। আলোচ্য গ্রন্থের title-page না থাকিলেও, ২য় পৃষ্ঠা হইতে ৩৮০ পৃঃ পর্যন্ত প্রত্যেক পৃষ্ঠার উপরিভাগে এক দিকে ক্রুপার শব্দের অর্থভেদ, অন্য দিকে Cathecismo da Doutrina Christaa, এই নাম স্পষ্টাকরে রহিয়াছে। কাদার গেরেনের সংস্করণে (১৮৩৬) "ক্রুপার শব্দের অর্থভেদ" এই নামই গ্রহণ করা হইয়াছে। এই সকল অমাপ সম্বন্ধে কার্তিক সংখ্যার মানসী পত্রিকার অমূল্যবাবু যে এই পুস্তককে Compendio dos misterios de fa বলিয়া অভিহিত করিয়াছেন, তাহা সমীচীন নহে।

* বাহার বলেন যে, এই পুস্তকের পর্তুগীজ অংশ St. Xavier রচিত, তাহাদের অনুমান নিতান্ত অমূলক বলিয়াই মনে হয়। আলোচ্য গ্রন্থ যখন রচিত হইয়াছিল, তখন Francis Xavier বহু কাল Saint হইয়াছেন এবং পুস্তকের মধ্যেই Xavier-এর জীবনের একটি গল্প পাওয়া যায়। চল্লিশ বৎসরের সংস্করণে গেরেন সাহেব লিখিয়াছেন, ইহার রচয়িতা Manoel da Assumpcao। ডব্লিউ Burnell, *Tentative List of Portuguese Books & Manuscripts*, Mangalore, 1880, এবং কাদার লোপেজের নোটে উক্ত পুস্তকমূল্য ব্রটব্য।

ইহার তারিখ ১৭৪৩। ইহার সমর্থনে তিনি নিম্নোক্ত পুস্তকসমূহের উল্লেখ করিয়াছেন, যথা—Barbosa Machado, *Bibliotheca Lusitana Historica Critica e Chronologica*, t. III, p. 183; Ossinger, *Bibliotheca Augustiniana*, p. 84; Da Cunha Rivara, *Catalogo dos Manuscriptos da Bibliotheca Publica Eborense* t. I. p. 345; Silva, *Diccionario Bibliographico Portuguez*, t. v. p. 367; ইত্যাদি। কিন্তু হুর্ভাপ্যের বিষয়, এ সকল পুস্তক এখানে হুস্তাপ্য। বারনেল (Burnell) তাঁহার *Tentative List of Portuguese Books & Manuscripts*, 1880, গ্রন্থে পূর্বোক্ত Machado ও Ossinger-এর উপর নির্ভর করিয়া ইহার তারিখ ১৭৪৩ ও প্রকাশস্থান লিসবন্ দিয়াছেন। এই সমস্ত হইতে অনুমান করা যায় যে, যদিও এই পুস্তক ১৭৩৪ খৃঃ অব্দে রচিত, কিন্তু ইহার প্রকাশকাল বোধ হয় ১৭৪৩।

পুস্তকের মুখবন্ধে যে স্থলে রচনাস্থান নির্দেশ ছিল, সেখানটি কীটদষ্ট; শুধু Ba()।, এইরূপ পাঠোদ্ধার করিতে পারা যায়। তবে গ্রন্থের তৃতীয় পৃষ্ঠায় Baval ও Nagori এই দুই স্থলের উল্লেখ আছে। অনুমান করা যায়, ইহা আধুনিক ঢাকার অন্তর্গত নাগরী, ভাওয়াল, এবং হাটেন সাহেব এই অনুমান সমর্থন করিয়াছেন। ভাওয়ালে যে পূর্বকালে এক পর্তুগীজ উপনিবেশ ছিল, তাহা পূর্বেই উল্লেখ করিয়াছি এবং তাহার প্রমাণের অভাব নাই। হাটেন সাহেবের বিবরণ (*Bengal Past and Present* Vol IX, pt i, p 4 ff) এবং *Lettres Edifiantes* হইতে জানা যায় যে, সেখানে St Nicholas of Tolentino-এর একটি গির্জা ও মিশন ছিল; ইহা অগষ্টিনিয়ান সম্প্রদায় কর্তৃক স্থাপিত। তাভার্নিয়ে (Tavernier) তাঁহার ভ্রমণবৃত্তান্তে ঢাকার নিকটে এইরূপ একটি গির্জার উল্লেখ করিয়াছেন।* আলোচ্য পুস্তকের গ্রন্থকার মুখবন্ধে লিখিয়াছেন যে, তিনি St. Nicholas Tolentino Mission-এর Rector বা অধ্যক্ষ ছিলেন এবং বাংলা-পর্তুগীজ অভিধান হইতে জানা যায় যে, তিনি অগষ্টিনিয়ান ধর্মব্রাজক। আধুনিক সময়েও শুনিয়াছি যে, উক্ত ভাওয়ালের নিকটে St. Nicholas of Tolentino Mission-এর পুরাতন গির্জা ও অনেক পর্তুগীজ খুঁটানের বসতি আছে।† তার পর গ্রন্থের ভাষা যে পূর্ববঙ্গীয়, তাহা আমার বদ্ধ অনুভূতি বাবু তাঁহার প্রবন্ধে দেখাইয়াছেন। এই সমস্ত বিষয় আলোচনা করিলে, নিঃসন্দেহে বলা যায় যে, এই গ্রন্থ ঢাকা ভাওয়ালে রচিত।

গ্রন্থকার সম্বন্ধে বেশী কিছু জানা যায় না। উল্লিখিত মুখবন্ধ হইতে জানা যায় যে, মানোএল, Missio de S Nicolao Tolentino নামক মিশনের রেক্টর বা কর্তা ছিলেন। এই মিশন অগষ্টিনিয়ান সম্প্রদায় কর্তৃক স্থাপিত। এই Manoel যদি পর্তুগীজ ব্যাকরণ-অভি-

* Tavernier, *Travels*, Ed. V. Ball. London, 1889. Vol. I. p. 128.

† হাটেন সাহেবের প্রবন্ধ হইতে জানা যায় যে, 'কুপার শায়ে' দে সমস্ত গান আছে, তাহা এখনও উক্ত গির্জার পীত হইয়া থাকে।

খানের রচয়িতার সহিত এক ব্যক্তি হন, তাহা হইলে উক্ত গ্রন্থের পরিচয়-পত্র হইতে আরও জানিতে পারা যায় যে, তিনি আগষ্টিন সম্প্রদায়ভুক্ত সন্ন্যাসী ছিলেন (Padre Fr. Manoel da Aespumpcao Religioso Eremita da Santo Agostinho Congregacao da India Oriental)। হাট্টেন সাহেব লিখিয়াছেন, ম্যানোএল পোর্কুগাল অন্তর্কর্ত্তী এভোরার (Evora) অধিবাসী এবং ১৭৪২ খৃঃ অব্দে এই মিশনের Rector পদ প্রাপ্ত হন। শেষোক্ত কথাটি যদি ঠিক হয়, তবে ১৭০৪ খ্রীঃ অব্দে ম্যানোএল কিরূপে আপনাকে উক্ত মিশনের Rector বলিয়া যুথবন্ধে পরিচয় দিলেন, তাহা বুঝা যায় না।

গ্রন্থখানির নাম হইতে বোঝা যাইতেছে যে, ইহার আলোচ্য বিষয় খ্রীষ্টধর্ম। তাৎকালিক অভিযুগে গমন উপলক্ষ্য করিয়া শুকশিষ্যের মধ্যে কথোপকথনচ্ছলে খৃষ্টধর্মের বিবৃতি, এই গ্রন্থের প্রধান উদ্দেশ্য। বইখানি বাঙ্গালা ও পর্তুগীজ—এই উভয় ভাষাতেই রচিত; বাম দিকের পৃষ্ঠায় বাঙ্গালা ও ডান দিকের পৃষ্ঠায় পর্তুগীজ। বাঙ্গালা অংশ রোমান অক্ষরে মুদ্রিত (তখন বাঙ্গালা হরক ছিল না) এবং কথাস্থলি প্রায়ই পর্তুগীজ উচ্চারণের নিয়মামুসারে বানান করা হইয়াছে। কিন্তু নিয়ম যে সর্বত্র রক্ষিত হয় নাই এবং বানান যে সব স্থলে বিপুল নহে, তাহা বলা বোধ হয় বাহ্য। পূর্বোক্ত বাঙ্গালা-পর্তুগীজ ব্যাকরণ-অভিধানও এই নিয়মে মুদ্রিত। এই Transliteration বা লিপ্যন্তর-পদ্ধতি সম্পূর্ণ ও কৌতূহলোদ্দীপক এবং কেয়ী, জোন্স প্রভৃতির পদ্ধতি অপেক্ষা অনেক পুরাতন। এই হিসাবে ইহা সূর্যগণের আলোচ্য, তাহাতে সন্দেহ নাই। সূর্যবর শ্রীমুনীতিকুমার চট্টোপাধ্যায় ইহার ভাষা ও লিপ্যন্তর-পদ্ধতি সম্বন্ধে আলোচনা করিবেন; স্মরণ্য এ বিষয়ে আমার কোন কথা বলা বাহ্য।

বইখানি বর্ত্তমান দূর আমরা পাইরাছি, তাহা দুই ভাগে বিভক্ত। প্রথম ভাগ বা Puthi I এর নীচে লেখা আছে, Xo(col ...) oner ortho, ebong Prothoqhie prothoqhie buzhan [স(কল...) অনের অর্থ এবং প্রথমে প্রথমে (পৃথক পৃথক) বুঝান]। ইহা আবার কয়েক অধ্যায়ে বিভক্ত—অধ্যায়ের নাম Tazel.

Tazel I. (পৃঃ ২—১৮)—Xidhi crucer orthobhed (সিদ্ধি ক্রুসের অর্থভেদ)*
Sign of the cross.†

Tazel II (পৃঃ ১৮—)—Pitar poron, ebong tahan ortho (পিতার পড়ন এবং তাহান অর্থ)। Of our father and Explantation thereof.

Tazel III (পৃঃ—৭৬)—এই অংশ খণ্ডিত; স্মরণ্য কোথা হইতে এই অধ্যায় আরম্ভ এবং ইহার প্রতিপাদ্য বিষয় কি, তাহা জানা যায় না। Hail Mary ও Rosaryর কথা আছে।

* বাঙ্গালা অক্ষরে লিপ্যন্তর এই লেখকের, গ্রন্থকারের নহে।

† ইহা পর্তুগীজ অংশের অন্তর্ভুক্ত; কেবল প্রতিপাদ্য বিষয় বুঝাইবার জন্য দেওয়া গেল। ইহা গ্রন্থকারের নহে।

Tazel IV (পৃ: ৭৬—১৩৬)—Mani xobbio Niranzon, Axthar ehodo bhed ebong Tabandiguer ortho (মানি সত্য নিরঞ্জন, আস্থার চৌদ ভেদ এবং তাহান্দিগের অর্থ)। The Creed and Articles of Faith and Explanation thereof.

Tazel V (পৃ: ১৩৬—২৪৪)—Dos Agguia, ebong tahandiguer ortho (দশ আজ্ঞা এবং তাহান্দিগের অর্থ)। Of Ten Commandments and Explanation thereof.

Tazel VI (পৃ: ২৪৪—২৭২)—Pans agguia, ebong tahandiguer ortho (পাঁচ আজ্ঞা এবং তাহান্দিগের অর্থ)। Of Five Commandments and Explanation thereof.

Tazel VII (পৃ: ২৭২—৩১৩)—Xat Sacramentos, ebong Tahandiguer ortho (সাত সাক্রামেন্টোস্ এবং তাহান্দিগের অর্থ)। Seven Sacraments and Explanation thereof.

দ্বিতীয় ভাগ ৩১৪ পৃষ্ঠা হইতে আরম্ভ ও ৩৮০ পৃষ্ঠার অসম্পূর্ণ অবস্থায় শেষ। এই ভাগে প্রার্থনা ও খ্রীষ্টানদিগের অবশ্য জ্ঞাতব্য বিষয় প্রতিপাদিত হইয়াছে। (Poron Xaxtro xool, ar ze uchit zanite xorgue zaibar, পড়ন শাস্ত্র সকল, আর যে উচিত জানিতে অর্থে বাইবার)। ইহার মধ্যে ছইটি অধ্যায় বা Tazel আছে। যথা—

Tazel I (পৃ: ৩১৪—৩৫৬)—Axthar bhed biehar xotto coria xiqhibar xiqhaibar upae toribar (আস্থার ভেদ বিচার, সত্য করিয়া শিখিবার শিখাইবার উপায় তরিবার)। Mystries of the Faith.

Tazel II (পৃ: ৩৫৬ : ৩৮০ অসম্পূর্ণ)—Paron Xaxtro niralá [পড়ন শাস্ত্র নিয়াল (?)] Prayer of the Doctrine.

Tazel I এর মধ্যে আবার ৩৪৮ পৃষ্ঠার একটি গান আছে। এই অংশটির উপরে পৰ্তুগীজ ভাষায় লিখিত আছে,—Cantiga sobre os misterios de fe; ortho bheder dhormo guit (অর্থভেদের ধর্মগীত)। পুনরায় ৩৫৩ পৃষ্ঠায় সন্তোষাত বালক বীভর উদ্দেশ্যে আর একটি গান আছে; Cantiga Ao Menino Jesus. Recem nacido; Balog Jesuzer guit zormo xtbane xola (বালক যেশুসের গীত জন্মস্থানে উইয়া)।

এই পুস্তকের প্রতিপাদ্য খ্রীষ্টধর্ম সম্বন্ধে আলোচনার সামর্থ্য আমার নাই এবং বোধ হয়, তাহার প্রয়োজনও নাই; কারণ, আলোচ্য বিষয়ের সৌকুমার্যের জন্য এই পুস্তকের দাম নহে, বরং উহাতে পুরাতন “খ্রীষ্টানী” বাঙ্গালার যে নমুনা পাওয়া যায়, তাহার একটু পরিচয় সাহিত্য-সমালোচকের নিকট বেশী মূল্যবান। ইহাই বোধ হয়, খ্রীষ্টানী বাঙ্গালার সর্বপ্রথম নমুনা

কেরীয় "ধর্মপুস্তকে"র অর্জনতাবী পুস্তকের এই বাঙ্গালা যে শুধু কোড়কগ্রন্থ, তাহা নহে, বাঙ্গালা গণ্ডের ইতিহাসেও ইহার স্থান উপেক্ষণীয় নহে। ইহার ভাষাও নিতান্ত নিম্ননীয় নহে; কেরীয় "ধর্মপুস্তকে"র ভাষা হইতে অনেক গুণে উৎকৃষ্ট। নিম্নে ইহার কতকগুলি মনুনা দেওয়া গেল। প্রথম উদ্ধৃত স্থানটি গ্রন্থের আরম্ভ হইতে লওয়া।

Puthi I.

Xo(col...) oner ortho, ebong Prothoquie prothoqhie buzhan. (১)

Tazel I.

Xidhi crucer orth bhed. (২)

(G) Guru. (৩)

X. xixio. (৪)

X. Puzio houq xidhi poromo N(ir)mol dhormo. (৫)

G. Tini tomare axirbad deuq, ebong tomare bhalo coruq : aixo, Pola, tomi quetta ? (৬)

X. Ami christaö, Poromexorer crepae. (৭)

G. Cothae zao. (৮)

X. Barije zai. (৯)

G. Tomar bari cothae ? (১০)

X. Baval dexé : ami tomar raioto : Nagorité boxí. (১১)

(১) সকল) অনেক অর্থ এবং প্রার্থণা প্রার্থণা [পৃথক পৃথক] বুঝান।

(২) সিদ্ধি ক্রমের অর্থভেদ।

(৩) গুরু।

(৪) খিষ্য।

(৫) পূজা হউক সিদ্ধি পরম নিম্নলিখিত ধর্ম।

(৬) তিনি তোমাতে আশীর্বাদ দেউক, এবং তোমাতে ভাল করক : আইস, গোলা, তুমি কেটা ?

(৭) আমি খ্রীষ্টাঙ, পরমেশ্বরের রূপায়।

(৮) কোথায় বাও ?

(৯) বাড়ীতে বাই।

(১০) তোমার বাড়ী কোথায় ?

(১১) বাবাল দেশে, আমি তোমার রাইয়ত, নাগরীতে বসি।

- G. Amító xeqhané zai : amar xougné aixó : amitó ortho.bhed buzha-
ibo, tomito buzhiba. (১).
- X. Ze agguia : cholo zai. (২)
- G. Tomi ni axthar nirupón zanó ? (৩)
- X. Tthacur, quissu xonilam gurur casse, tomito ziguiaxa coro ; amito
utor dibo z(emot) poromexor loaen. (৪)
- G. (Tobe) ziguiaxá cori : coho, cothae ho'te pailá) christaor nam ? (৫)
- X. Christoe hoté. (৬)
- G. Con xomoe pailá christaor nam ? (৭)
- X. Baptismor xomoe. (৮)
- G. Christaor nixan qui ? (৯)
- X. Xidhi crux. (১০)
- G. Coro deqhi. (১১)
- X. xidhi crucer + siníote ; Roqhia coro poromexor, + amardiguer
Tthacur ; Amardiguer + xotre hote. (১২)

- (১) আমি তো সেখানে যাই, আমার সঙ্গে আইস, আমি তো অর্ঘভেদ বুঝাইব, তুমি তো
বুঝিবা।
- (২) যে আজ্ঞা, চল যাই।
- (৩) তুমি নি আহাৰ নিৰূপণ জানো ?
- (৪) ঠাকুর, কিছু শুনিলাম গুরুর কাছে, তুমি তো জিজ্ঞাসা করো, আমি তো উত্তর
দিব, যে(মত) পরমেশ্বর, লয়ানেন।
- (৫) তবে জিজ্ঞাসা করি, কহ কোথায় হ'তে পাইলা খ্রীষ্টাঙর নাম ?
- (৬) খ্রীষ্টই হতে।
- (৭) কোন সময়ে পাইলা খ্রীষ্টাঙর নাম ?
- (৮) বাপ্তিসময় সময়ে।
- (৯) খ্রীষ্টাঙর মিশান কি ?
- (১০) সিদ্ধি ক্রুশ।
- (১১) করো দেখি।
- (১২) সিদ্ধি ক্রুশের + চিহ্নে ; রক্ষা কর পরমেশ্বর, + আমারদিগের ঠাকুর ; আমার-
দিগের + শত্রু (?) হতে।

Pitar nam. (১)

(ebong) Putrer. (২)

(ebong) Espirito Santo. (৩)

(Amen) Jesus. (৪)

G. (Qu)eno cor(ilo) (xidhi c)rux copalé ? (৫)

X. Zenó Poromexor ghuchauq amar xocol mondó colponá. (৬)

G. Queuo corilá xidhi crux muqhé ? (৭)

X. Zeno Poromexor ghuchauq amar xocol mondó cotha (৮)

G. Queno corilá xidhi crux buqhe ? (৯)

X. Zenó Poromexór ghuchauq amar ze mondo carzio prane thaquia zorme. (১০)

মধ্যে মধ্যে উপদেশচ্ছলে গল্পের অবতারণা আছে। নিয়ে একটি উদাহরণ দেওয়া গেল। ইহা হইতে লেখকের গল্পরচনা ও গল্পলিখনভঙ্গীর বেশ নমুনা পাওয়া যাইবে। গল্পটি কোমার্য বা ভিত্তিস্বরূপের প্রশংসা।

Moncadá xuhoré eq gorib maiha ocumari assiló, tahar nam Ignex, xei maiha, eq din Valencia xuhoré guelo xag torcari bexibar caron. Xag torcari bexia dhormo ghore guelo. Xidha Vincenté Ferreira xiqha diló. Xidhi Teclar purob assiló xidhi Tecla ocumari hoiló; e caron xidha Vincente zitendrier gun buzhailen, eha xonia Ignex xidhar cotha praneté raqbiló; ocumari rohibar xottio manon coriló, ebong ocumari rohiló. Emot phiquir coria aponer ghore guelo. Oneq puniô oorité laguilo. Pitamatar taharé bibhao dite chahiló. Ignex bibhao hoite chahiló na : cohiló, amar batar Poromexor ; amar ar cono bibhao nahi. Eha diqbia pita mata bal coria

(১) পিতার নাম।

(২) এবং পুত্রের।

(৩) এবং এসপিরিতো সান্তো।

(৪) আমেন য়েশুস্।

(৫) কেন করিলা সিদ্ধি ক্রুশ কপালে ?

(৬) যেন পরমেশ্বর যুচাউক আমার সকল মন্দ করনা।

(৭) কেন করিলা সিদ্ধি ক্রুশ মুখে ?

(৮) যেন পরমেশ্বর যুচাউক আমার সকল মন্দ কথা।

(৯) কেন করিলা সিদ্ধি ক্রুশ বুথে(ক) ?

(১০) যেন পরমেশ্বর যুচাউক আমার যে মন্দ কার্য্য প্রাণে থাকিরা ; অর্থে [অর্থে]।

bibhao dite chahilo; Ignex bibhao no hoibar maihar caporr ghoxaiá mordur caporr pindia palaiá guelo ; boner moidhe lucaiá rohiló ; bonobaxi hoiló ; eq unchó parbaté baxot coriló ; xeqhané oneq dugh pailo ; caporer dugh ; xiter dugh, gormir dugh, quidar dugh, tiraxer dugh, ar ar zato dugh xocoli pailó, oneq praohit coriló. Meguer zol o boner gax o qhaito, emot praohit coria cori bosser banxiló ; cori bosserer por poromexorer crepaté moriló ; ebong xorgue guia zitendrier bhog pailó, xidhi hoiló. Tahan nam Ignex de Moncadá. (pp. 206-7)।*

নিম্নোক্ত গল্পটিতে “ভূত ছাড়াইতে” ক্রুশের বিরূপ ক্ষমতা, তাহার উদাহরণ দেওয়া হইয়াছে।

G. Boro Axchorzio cotha cobila ; emat hoe : Ar coho ; Xidhi crux corile Bhuter cumoti ni dur zae ?

X. Hoe ; Bhuter emati durzae ebong Bhute o polae. Ehi xonsar proman xono.†

* মনুকালা স্নহরে (সহরে) এক গরিব মাইয়া অকুমারী আছিল। তাহার নাম ইগ্নেস্, সেই মাইয়া এক দিন ভালেসিয়া স্নহরে গেল শাগ তরকারী বেচিবার কারণ। শাগ তরকারী বেচিয়া ধর্ম্মঘরে গেল। সিদ্ধা ভিন্‌সেস্তে ফেরিয়া শিক্ষা দিল। সিদ্ধি তেফলার পরব (পর্ক) আছিল ; সিদ্ধি তেফলা অকুমারী হইল ; এ কারণ সিদ্ধা ভিন্‌সেস্তে জিতেস্ত্রিয়ের গুণ বুঝাইলেন, এহা শুনিয়া ইগ্নেস্ সিদ্ধার কথা প্রাণেতে রাখিল, অকুমারী রহিবার সত্য মনন করিল, এবং অকুমারী রহিল। এমত ফিকির করিয়া আপনায় ঘরে গেল। অনেক পুণ্য করিতে লাগিল। পিতামাতা(র) তাহারে বিবাহ (বিভাগ) দিতে চাহিল, ইগ্নেস্ বিবাহ হইতে চাহিল না, কহিল, আমার ভাতার পরমেশ্বর ; আমার আর কোন বিবাহ নাহি। এহা দেখিয়া পিতা মাতা বল করিয়া বিবাহ দিতে চাহিল, ইগ্নেস্ বিবাহ ন হইবার মাইয়ার কাপড় বুচাইয়া মরদের কাপড় পিন্দিয়া পলাইয়া গেল, বনের মধ্যে লুকাইয়া রহিল, বনবাসী হইল, এক উঁচ পর্ব্বতে বসত করিল, সেখানে অনেক ছুখ (ছুখ) পাইল। কাপড়ের ছুখ, শীতের ছুখ, গর্ষির ছুখ, খিদার (জুখা) ছুখ, তির্যশের (চুবার) ছুখ, আর আর বত ছুখ সকলই পাইল, অনেক প্রোচিং (প্রায়শ্চিত্ত) করিল। মেঘের জল ও বনের ঘাসও খাইত, এমত প্রোচিং করিয়া কুড়ি বছর বাঁচিল, কোড়ি বছরের পর পরমেশ্বরের কৃপাতে মরিল, এবং স্বর্গে গিয়া জিতেস্ত্রিয়ের ভোগ পাইল, সিদ্ধি হইল। তাহান্ নাম ইগ্নেস্ দে মনকাদা।

† ৩। বড় আশ্চর্য্য কথা কহিলা : এমত হয় : আর কহ : সিদ্ধি ক্রুশ করিলে ভূতের কুমতি নি দূর যায় ?

শি। হোএ, ভূতের কুমতি দূর যায়, এবং ভূতেও পলায়। এহি সন্দেহ (?) প্রমাণ শোন।

Eq rahoal merir assilo ; tahare Bhute bazi dia cohiló ; tui zodi amar nophor hoite chahix, ami tore oneq dhon didam ; Racoale cohiló ; bñalo, tomar dax hoibo tomi amaré dhon dibá. Bhute cohilo : tobe amar golam hoile ; tor uchit nohe dhormo ghore zaite ; ebong xidhi crux ar codachitio coribi na, emot ze core xe amar golam ; ehi amar agguia, taha palon coribi ; emot zodi na corix, tomare boutthboutth tarona dibam. Raqhoale cohilo : Zaha agguia coro, taha coribo ; zodi emot na cori, tomar za iccha, xei hoibeq.

Oneq din obhagnia Raqhoale bhuter xacri coriló ; tahar por eq din munixio bol coria raqhoalque dhorla dhormo ghore loia guelo. Dhormo ghore eq Padri assilen, xei boro xadhu ; tini loq xocolere cobilen : Tomara raqhoaler upore xidhi crux coró. Emot loq xocole corilo. Taqhon bhute boró cord coria raqhoalerá oneq tarona dite laguilo. Eha deqhia Padre raqhoalque dhorilen, bhutere taroná dite mana corilen. Tobe Bhute ar o bex cord coria Padriré cohiló : Ehi monixió amar dax, amar agguia bhanguilo, taharé xaxtti dibar uchit ; tahare eria deo : na : tomare o xaxtti dibam. Padri cobilen : tahare eria dibo na ; amare zaha corite parix, taha coró. Tobé bhuté emot cumontro corilo, ze Padrir muqh beca hoilo. Eha deqhia loq xocolé dhore polaia guelo.

Taqhon Padri xidhi crux corilen, ebong muqh xidhá hoilo. Tahar por ar crux corilen raqhoaler upore : ebong Crux coria Bhuté polaia gueló. Raqhoale o calax hoilo, calax hoia tahar xocol oporá confessor corilo ; Nirmol dhormo o bhoeti rupe hoilo, ebong punorbar pailo, ze crepa haraia-ssilo pap coria.*

* এক রাধোয়াল (রাখাল) মেড়ির (মেড়া) আছিল ; তাহারে ভূতে বাজি দিয়া कहিলো, তুই যদি আমার নফর হইতে চাহিস, আমি তোরে অনেক ধন দিবাম। রাধোয়ালে कहিলো, ভাল, তোমার দাস হইব তুমি আমারে ধন দিবা। ভূতে कहিল, তবে আমার গোলাম হইলে, তোমার উচিত নহে ধর্ম-ঘরে বাইতে এবং সিদ্ধি ক্রুশ আর কদাচিতিও করিবি না, এমনত বে করে, সে আমার গোলাম, এহি আমার আজ্ঞা, তাহা পালন করিবি ; এমনত যদি না করিস, তোমারে বহুত বহুত তাড়না দিবাম। রাধোয়ালে कहিল, বাহা আজ্ঞা কর, তাহা করিব। যদি এমনত না করি, তোমার বা ইচ্ছা, সেই হইবেক।

অনেক দিন অন্তর্গত রাধোয়ালে ভূতের চাকরি করিলো, তাহার পর এক দিন মনুষ্য বল করিয়া রাধোয়ালকে ধরিয়া ধর্মঘরে লইয়া গেল। ধর্মঘরে এক পাদরী আছিলেন, সেই বড় সাধু ; তিনি লোক সকলেরে कहিলেন, তোমরা রাধোয়ালের উপরে সিদ্ধি ক্রুশ করো। এমনত লোক সকলে করিল। তখন ভূতে বড়ো কোর্ধ (ক্রোধ) করিয়া রাধোয়ালের অনেক

Lord's Prayer বা গম্পেলবর্ণিত যীশুখ্রীষ্টের প্রার্থনার অনুবাদ দেওয়া গেল,—

Padre Nosso

Padar thoná

Pitá amardiguer, poromo xorgué assó: Tomar xidhi nameré xeba houq: Aixuq amardigueré tomar raizot ; tomar zé leha, xei houq ; zemon porthi-bité temon xorgué ; Amardiguer protidiner ahar amardigueré azica dió, Amardiguer corzó qhemo, zemoto amorá qhemí ; Amardiguer corziore ; Amardiguere cumotité porrité na dío. Ar amardigueré xocol mondo hote roquiá coro. Amen Jesus. (p. 20)।*

পরিশেষে ছইটি গীত উদ্ধৃত করিয়া অভ্যকার প্রবন্ধ মধুরেণ সমাপ্ত করিতে ইচ্ছা করি।
প্রথমটি ধর্মবিধাসমূলক গীত, দ্বিতীয়টি বালক যীশুর উদ্দেশে আনন্দপ্রকাশ।

G. Poromexor que zodi tomi paro cohibar

Tobe ami cohibó upae tomar ? (১)

তাড়না দিতে লাগিল। এহা দেখিয়া পাত্রী রাধোয়ালকে ধরিলেন, ভূতেরে তাড়না দিতে মানা করিলেন। তবে ভূতে আরও বেশ ক্রোধ করিয়া পাত্রীরে কহিলো, এহি মনুষ্যো আমার দাস, আমার আজ্ঞা তামিল, তাহারে শাস্তি দিবার উচিত, তাহারে এড়িয়া (?) দিও, না, তোমারের শাস্তি দিও। পাত্রী কহিলেন, তাহারে এড়িয়া দিব না, আমারে দাড়া করিতে পারিস, তাহা করো। তবে ভূতে এমত কুমন্ত্রণ করিল, যে পাত্রীর মুখ বেকা (বাকা) হইল। এহা দেখিয়া লোক সকলে ধরে (?) পলাইয়া গেল।

তখন পাত্রী সিদ্ধি ক্রুশ করিলেন, এবং মুখ সিধা হইল। তাহার পর আর ক্রুশ করিলেন রাধোয়ালের উপরে, এবং ক্রুশ করিয়া ভূতে পলাইয়া গেলো। রাধোয়ালেও খালাস হইল। খালাস হইয়া তাহার সকল অপরাধ কনকেশার করিল ; নির্মল ধর্ম ও ভক্তিরূপে লইল, এবং পুনর্ব্যার পাইল, যে কৃপা হারা হইয়াছিল পাপ করিয়া।

● পদার্থনা।

পিতা আমারদিগের, পরম স্বর্গে আছ : তোমার সিদ্ধি নামেরে সেবা হউক : আইহুক আমারদিগেরে তোমার রাজ্য (রাজ্য) ; তোমার যে ইচ্ছা, সেই হউক : যেমন পোর (পু)-ধিবীতে তেমন স্বর্গে : আমারদিগের প্রতিদিনের আহাৰ আমারদিগেরে আজিকা দিও : আমারদিগের কর্ক কেমো, যেমত আমরা কেমি : আমাদের কর্কেরে : আমাদেরদিগেরে কুমতিতে পড়িতে না দিও। আর আমাদেরদিগেরে সকল মন্দ হ'তে রক্ষা কর। আমেন বেহুন্।

(১) পরমেশ্বর কে যদি তুমি পার কহিবার

তবে আমি কহিব উপায় তোমার ?

- X. Eq poron ó Tthacur xorbo corta xorboxon,
Xei trilôquer nath quehô nahi tahan xoman. (১)
- G. Coto zon tini zodi tomi paro cobibar
Tabé ami cohibó que upae tomar ? (২)
- X. Tini tin zon : pita putro; Doeamoe,
Tin zon xotontor poromexor eq oi
Poromexor pita, putra poromexor,
Poromexor Doeamoe, tin zon xotontor. (৩) (p. 349)

Cantiga ao menino Jesus.

(Baloq Jesuzer guit zormo xttane oia) (৪)

He Baba Jesus

Baloq Nirmol

Bibi Mariar udorer

Xidhi dhomro phol.

Amar doear Jesus.

He baba Jesus

He xonar baba,

Tomaqué ami toi

Cori tomar xeba.

Amar doear Jesus (৫) ইত্যাদি। (p. 353)

- (১) এক পরম ঠাকুর সর্বকর্তা সর্বজন,
যেই জ্বিলোকের নাথ কেহ নাহি তাহান্ সমান।
- (২) কত জন তিনি যদি তুমি পার কহিবার
তবে আমি কহিব কি উপায় তোমার ?
- (৩) তিনি তিন জন, পিতা পুত্র দয়াময়,
তিন জন সত্যন্তর (স্বতন্ত্র) পরমেশ্বর এক হয়
পরমেশ্বর পিতা, পুত্র পরমেশ্বর
পরমেশ্বর দয়াময় তিনজন সত্যন্তর (স্বতন্ত্র)। ইত্যাদি।
- (৪) বালক বেহুজের গীত লক্ষ্মী স্থানে শুইয়া।
- (৫) হে বাবা যেহুস্,
বালক নির্মল

পরিশেষে বক্তব্য যে, আমার বন্ধু অধ্যাপক শ্রীযুক্ত রমেশচন্দ্র মজুমদার মহাশয় এসিয়াটিক সোসাইটির পুস্তকাগারে এই পুস্তকের প্রতি প্রথম আমার দৃষ্টি আকর্ষণ করিয়া আমার ধন্ত-বাদের পাত্র হইয়াছেন এবং ইম্পিরিয়াল লাইব্রেরীর শ্রীযুক্ত শ্রীযুক্ত হরেন্দ্রনাথ কুমার মহাশয় এই পুস্তক এসিয়াটিক সোসাইটি হইতে আমার ব্যবহারের জন্য আনিয়া দিয়াছেন ও অজ্ঞাত বিষয়ে সাহায্য করিয়াছেন, সে জন্য তাঁহাকে আমার আন্তরিক ধন্তবাদ।

শ্রীশুশীলকুমার দে

পরিশিষ্ট

বঙ্গবর শ্রীযুক্ত শুনীতিকুমার চট্টোপাধ্যায় এই রূপার শাস্ত্রের অর্থভেদের ১৮৩৬ খ্রীঃ অঃ মুদ্রিত একটি সংস্করণ সংগ্রহ করিয়াছেন। এই পুস্তকখানি তিনি কলিকাতা ধর্মতলা Sacred Heart of Jesus গির্জার অন্ততম পাদরী Rev. Father L. Wanters S. J. এর নিকট হইতে পাইয়াছেন। ইহার টাইটেল পেজ নাই এবং ইহা মোট ১১৫ পৃষ্ঠার “সমাপ্তঃ”। পুস্তকের নাম এইরূপ — “রূপার শাস্ত্রের অর্থবেদ”। হাটেন সাহেব এই সংস্করণের কথাও লিখিয়াছেন, (*Bengal, Past and Present* Vol IX. pt i. p, 59)। তাঁহার বিবরণ হইতে জানা যায় যে, ইহা ১৮৩৬ খ্রীঃ অঃ Father J. F. M. Guerin কর্তৃক বাঙ্গালা হরকে সম্পাদিত। এই Father Guerin চন্দননগরের St. Louis’ গির্জার Vicar ছিলেন। শুধু

বিবি মারিয়ার উদরের

সিদ্ধি ধর্ম ফল

আমার দয়ার যেহুস্।

হে বাবা যেহুস্।

হে সোণার বাবা.

তোমাকে আমি তাই (৭)

করি তোমার সেবা।

আমার দয়ার যেহুস্।

হাটেন সাহেব লিখিয়াছেন যে, গানটি এখনও ডাওয়ার্ড গির্জার গীত হইয়া থাকে।

সন ১৩২৩] ইউরোপীয়-লিখিত প্রাচীনতম মুদ্রিত বাঙ্গালা পুস্তক ১৯৫

নামে সম্পাদিত, বইখানি একেবারে আশুল নতুন করিয়া লেখা। হট্টেন সাহেব উক্ত title-page এইরূপ ;—

Catéchisme | suivi | de trois dialogues | et de la liste | des Eclipses de
soleil et de lune | calculées pour le Bengale | à partir de 1836 jusqu'en
1904 inclusivement | Nouvelle édition, revue et corrigée. |

কৃপার শাস্ত্রের অর্থবেদ | সূর্যের আর চন্দ্রের গ্রহণ গণনার সহিত ১৪০ বৎসরের | আরম্ভ
১৮৩৬ সাল অবধি | সহর চন্দননগর | এবং সমস্ত বাঙ্গালা দেশের নিমিত্তে ।। করিয়াছেন
জাকবছ ফ্রান্সিস্‌স্‌ মারিয়া গেরেন | চন্দননগরের সর্বগ্রাহ্যর পাদরী। নিয়োজিত প্রেরিত
সম্পর্কীয় এবং ধর্ম্মাচার সভাহ।। দ্বিতীয়বার এবং শুদ্ধরূপে শ্রীরামপুরে মুদ্রাঙ্কিত হইল।
সং ১৮৩৬।

ইহার লাতিন (Latin) ভাষায় লিখিত মুখবন্ধ (তারিখ ৬ই মে, ১৮৩৬) হইতে জানা যায়
যে, ম্যানোএলের পুস্তকগীত পুস্তকের বাঙ্গালী খ্রীষ্টানদিগের মধ্যে বহুল প্রচার ছিল, কিন্তু এই
পুস্তক পুনর্মুদ্রিত না হওয়ার এবং রোমান অক্ষরে পুস্তক লিখিত হওয়ার, ফাদার গেরেন
বাঙ্গালা অক্ষরে ইহার মুদ্রণের ব্যবস্থা করেন। এই মুখবন্ধে গেরেন আরও লিখিয়াছেন যে,
এই আদি পুস্তকগীত পুস্তক অনেক ভ্রমপ্রমাদপূর্ণ। এই সমস্ত ভুল ঠিক করিতে এবং সমস্ত
বাক্যে গল্প বাদ দিতে, পুস্তকের অর্ধেকের উপর বাদ দিতে হইয়াছে। ইহাতে তাঁহার নয়
মাস খাটিতে হইয়াছে এবং দুই জন খ্রীষ্টান, দুই জন ব্রাহ্মণ ও একজন মুসলমান—এই সকলের
সাহায্য লইতে হইয়াছে। তিনটি নতুন কথোপকথন সংযোজিত করা হইয়াছে এবং ১৮৩৬
হইতে ১৯০৪ পর্য্যন্ত যে সূর্য-চন্দ্রের গ্রহণ-গণনা আছে, তাহাও সম্পূর্ণ নতুন। এইখানে
বলা উচিত যে, ফাদার গেরেন স্বয়ং একজন জ্যোতিষশাস্ত্রবিদ্যার পণ্ডিত ছিলেন এবং ১৮৪০
সালে বিলাত প্রত্যাগমনের পর তিনি ভারতবর্ষের জ্যোতিষশাস্ত্রের উপর একখানি পুস্তক
প্রকাশ করিয়াছিলেন (১৮৪৭)।

এই পুস্তকের বাঙ্গালা আদৌ ভাল নহে। এ হিসাবে এ সংস্করণে কিছু উন্নতি দেখা যায়
না। ১৮৩৬ সালে ইহা অপেক্ষা ভাল বাঙ্গালার অভাব ছিল না।

শ্রীশ্রীলকুমার দে

‘কুপার শাস্ত্রের অর্থভেদ’

৩

বাঙ্গালা উচ্চারণতত্ত্ব*

বঙ্গবর শ্রীযুক্ত সুশীলকুমার দে সাহিত্য-পরিষৎ-পত্রিকার পাঠকদের কাছে বাঙ্গালা ভাষার সকলের চাইতে পুরাণ ছাপা বই, রোমান অক্ষরে লেখা ‘কুপার শাস্ত্রের অর্থভেদ’ নামে একখানি বইয়ের পরিচয় দিয়াছেন। ঐ বইখানি খ্রীষ্টান রোমান ক্যাথলিক ধর্মসংক্রান্ত এবং উহা বাঙ্গালা গণ্ডের এক প্রাচীন ও মূল্যবান নমুনা। সুশীল বাবুর অমর্যোখে এই বইয়ের রোমান অক্ষরে বানানের রীতি ও ইহার ভাষা সম্বন্ধে যৎকিঞ্চিৎ নিবেদন করিতেছি।

এই অভিনব বইয়ের সন্ধান সুশীল বাবুর কাছে আমি প্রথম পাই। ইহা এখন কলিকাতা এশিয়াটিক সোসাইটির পুস্তকাগারে আছে। শ্রদ্ধাল্পদ সুহৃৎ শ্রীযুক্ত রমেশচন্দ্র মজুমদারের অনুগ্রহে সোসাইটির পুস্তকালয়ে আমি এই বই দেখি এবং ইহা হইতে কতকটা অংশ যেমনটি আছে, তেমনি নকল করিয়া আনি। সেই নকল অংশটুকুর উপর নির্ভর করিয়া ছই চার কথা বলিব।

বাঙ্গালা ভাষা জন্মকাল হইতেই ভারতীয় লিপির সহিত অচ্ছেদ্য সম্বন্ধে বদ্ধ। বাঙ্গালা বর্ণমালা মহারাষ্ট্র অশোকের কালের ব্রাহ্মী লিপি হইতে উৎপন্ন, ব্রাহ্মী লিপির কঙ্কাহীনীয় গুপ্তলিপির বংশজাত ‘কুটিল’ বর্ণমালাগুলির মধ্যে অন্ততম। কান্দীরা, সিন্ধী এবং মুসলমানী - হিন্দী (অর্থাৎ উর্দু) প্রভৃতি কয়েকটি এ দেশী ভাষা যেমন মুসলমান-প্রভাবের ফলে ভারতীয় বর্ণমালা পরিত্যাগ করিয়া আরবী লিপির আশ্রয় লইয়াছে, এবং পোর্টুগীসদের চেষ্টায় গোয়া প্রদেশের দেশী খ্রীষ্টানদের ভাষা কোঙ্কণী-মরাঠী যেমন বহু দিন হইতেই রোমান অক্ষরে লিখিত হইয়া আসিতেছে, বাঙ্গালা ভাষাকে সেরূপ নিজ লিপি ছাড়িয়া অস্ত্র বিদেশীয় লিপি ধরাইবার কোনও বিশেষ চেষ্টা কখনও হয় নাই। ইংরেজ আমলের পূর্বে মুসলমানদের মধ্যে কেহ কেহ নিজেদের পড়িবার সুবিধার জন্ত বাঙ্গালা কাব্য আরবী (বা ফারসী) অক্ষরে লিখিতেন এবং পূর্ববঙ্গের স্থানে স্থানে ‘সিলেট নাগরী’ নামে এক রকম ভালা ভালা নাগরী অক্ষরে বাঙ্গালা লেখা হয়,† তাহা দেখা যায় বটে, কিন্তু কান্দীরা বা উর্দুর মত বাঙ্গালার ফারসী অক্ষর চলাইবার চেষ্টা বঙ্গদেশের মুসলমান শাসকদের মনে আসে নাই। বাঙ্গালা যে কখনও

* বঙ্গীয়-সাহিত্য-পরিষদের ২৩শ বৎসরের ৩য় মাসিক অধিবেশনে গঠিত।

† মুনসী শ্রীযুক্ত আবুল করিম সাহিত্যবিশারদ কর্তৃক সংকলিত, সাহিত্য-পরিষৎ হইতে প্রকাশিত ‘প্রাচীন বাঙ্গালা পুথির বিবরণ’ ১ম খণ্ড, ১ম সংখ্যায় ৮৭, ৯৯, ১২৪, ২১১, ২৭৮ নম্বরের পুথির বিবরণে দ্রষ্টব্য। ‘সিলেট নাগরী’ সম্বন্ধে সাহিত্য-পরিষৎ-পত্রিকা ১৩১৫ সালের ৪র্থ সংখ্যাতে প্রকাশিত শ্রীযুক্ত গদ্যনাথ দেবশর্মার লিখিত প্রবন্ধ দ্রষ্টব্য।

আরবী অক্ষরে লেখা হইবে, তাহার কোনও সম্ভাবনা নাই। বাঙ্গালা ভাল জানে না—এমন পাজীরা বাহাতে সহজে পড়িতে পারে, সেই চেষ্টায় ছই চারখানা খ্রীষ্টানী বই রোমান অক্ষরে ছাপা হইয়াছে এবং ‘হুর্গেশনন্দিনী’ খানিরও রোমান অক্ষরে ছাপা একটি সংস্করণ কলিকাতার সাহেব বইওয়ালাদের দোকানে পাওয়া যায়; কিন্তু বাঙ্গালা যাহাদের মাতৃভাষা, তাঁহাদের সঙ্গে ইহার কোনও সম্বন্ধ নাই। বছর সত্তর আশী পূর্বে একবার এ দেশে কতকগুলি ইংরেজ দেশী ভাষাগুলিতে রোমান লিপি চালাইবার জন্ত খবরের কাগজে আন্দোলন করিয়াছিলেন, এবং এ বিষয়ে স্ত্রু চার্লস্ টিউলিয়ান ও ডাক্তার ডক্, ডাক্তার ইয়েট্‌স্ প্রভৃতি জন কয়েক মিশনারী অগ্রণী ও উৎসাহী ছিলেন। কিন্তু সংস্কৃতজ্ঞ প্রিন্সেপ্ ও আরবীতে পণ্ডিত টাইটলার, ইহীদের ঘোর আপত্তি ছিল। ইহার পরে টোলবর্ট্ প্রভৃতি ছই একজন সিভিলিয়ান্ উদ্‌যোগী ছিলেন, কিন্তু তাঁহারা কোনও সুবিধা করিয়া উঠিতে পারেন নাই। এ দেশী কোন ভাষার রোমান-লিপি না চলিলেও ইউরোপে ও আমেরিকায় অনেক সংস্কৃত ও পাণি বই রোমান অক্ষরে ছাপা হইয়াছে ও হইতেছে।

রোমান বর্ণমালা অর্থাৎ a, b, c, d প্রভৃতি ছাব্বিশটি অক্ষর গ্রীক বর্ণমালার রূপভেদ মাত্র, যেমন বাঙ্গালা ও দেবনাগরী। ফিনীশিয়ানদের কাছে গ্রীকেরা লিপিবিন্দা শেখে এবং গ্রীকদের কাছ থেকে রোমানেরা। এই রোমান লিপিতে আগে ২৩টি অক্ষর ছিল* এবং কেবল লাতিন ভাষার ধ্বনি (sound) জানাইবার উপযোগী ছিল মাত্র। লাতিনে মোটে ১৭টি ব্যঞ্জনধ্বনি ও ৬টি স্বরধ্বনি ছিল। গ্রীকে ঞটিকতক বেশী ব্যঞ্জনধ্বনি আছে। এই অল্প সংখ্যক অক্ষর যুক্ত লাতিন বা রোমান বর্ণমালাদ্বারা সকল ভাষার ধ্বনি জানান সম্ভব নয়, বিশেষ করিয়া সংস্কৃত ও ভারতীয় ভাষাগুলির। লাতিনে ও গ্রীকে তালব্য ধ্বনি নাই, তাই ভারতীয় নামে ‘চ’ বা ‘জ’ থাকিলে গ্রীক ও লাতিন লেখকেরা s বা ti (ত্য) এবং ঞ বা di (ড) দ্বারা ঐ ছই ধ্বনি নির্দেশ করতেন। যেমন চন্দ্রগুপ্ত=Sandrakoptos, চটন=Tiastenes ও উজ্জয়িনী (উজ্জেনী)=Ozene, যমুন (জমুনা)=Diamouna। লাতিনভাষা ভাঙ্গিয়া যখন ফরাসী, ইটালীয় প্রভৃতি ‘রোমান্স্’ ভাষাগুলির উদ্ভব হইল, তখন সেই ভাষাগুলিতে তালব্য ধ্বনি নতুন করিয়া ক্রমে ক্রমে আসিয়া পড়িল; তখন নতুন কোন অক্ষর উদ্ভাবন না করিয়া পুরাতন রোমান অক্ষরের দ্বারা নানা উপায়ে এই সকল ধ্বনি জানাইবার চেষ্টা হইল; যেমন ইটালীয়ান্ ভাষায়, oia, cio, ciu, ce, ci=চ; gia, gio, giu, ge, gi=জ; soia, scio, ইত্যাদি=শ; পুরাণ ফরাসীতে chতে ‘চ’, jতে ‘জ’ ও sch, sh=শ; এবং পুরাণ ফরাসীর বানানের অঙ্ককরণ করিয়া ইংরেজীতেও ch, j, shতে চ, জ, শ। রোমান অক্ষর ব্যবহার করে, এমন অজ্ঞাত ইউরোপীয় ভাষায় এখন নানা অটল উপায়ে এই ধ্বনিগুলি জানান হইয়া

* A (=ক), B, C (=ক), D, E, F, G, H, I (=ই, য), K, L, M, N, O, P, Q, R, S, T, V (=ট, ঠ, ড), X, Y, Z.

থাকে। যেমন জার্মানে tsch, dsch, sch; ওলন্দাজে tj, dj, sh; পোলাণ্ডের ভাষায় cz, gz, sz; মাজ্যার বা হঙ্গেরী দেশের ভাষায় cs, ds, s; নরওয়ের ভাষায় kj, gj, skj। এই সকল ঝড়টি হইতে নিষ্কৃতি লাভের চেষ্টায় সংস্কৃত, পালি প্রভৃতি ভিন্ন বর্ণমালায় ভাষায় বহি বা কথ্য রোমান অক্ষরে অনূদিত হইলে c=চ, j=জ, s=স বা c=শ, s=ষ—এইরূপ সরল উপায়ে উক্ত বর্ণগুলি জানান হয়। যে সকল ধ্বনির উপযুক্ত বর্ণ লাতিন বর্ণমালায় মিলে না, সেগুলি কুট্‌কি-দেওয়া বা অপর কোনও বিশেষ চিহ্ন-দেওয়া হরকের দ্বারা জানান হয়। এইরূপে একটি বিস্তারিত রোমান বর্ণমালায় সাহায্যে সংস্কৃত আরবী প্রভৃতি, নাগরী ও আরবী লিপিতে যেমনটি লিখিত হয়, ঠিক তেমনি লিখিত হইয়া থাকে। কিন্তু এই উদ্দেশ্যে নূতন করিয়া গড়া একটি রোমান বর্ণমালা ব্যবহৃত হয়, ঐ কথা বলিতে হইবে।

আবার সাধারণ সাধারণ স্বর ও ব্যঞ্জনধ্বনি (sound) জানাইবার জন্য, রোমান অক্ষর ব্যবহার করে, এমন দুইটি ইউরোপীয় ভাষায় মিল নাই। k, l, p, q প্রভৃতি তিন চারটি বর্ণ ছাড়া আর বর্ণগুলি ভিন্ন ভিন্ন ভাষায় একটু ভিন্ন ভিন্ন ভাবে, কোথাও বা একেবারে স্বতন্ত্র ভাবে উচ্চারিত হয়। ভাষাতত্ত্বের শাখা উচ্চারণতত্ত্ব (Phonetics) নামক নবীন বিজ্ঞান পক্ষে, মানব-ভাষার সমস্ত প্রচলিত ও সম্ভাব্য স্বর ও ব্যঞ্জনধ্বনি যথাযথ নির্দেশ করে, এমন একটি মান বা sound-value যুক্ত অক্ষরমালায় সাহায্য ভিন্ন একটুকুও চলা অসম্ভব। যেমন ইংরেজী Henryর উচ্চারণ ‘হেনরি’, ফরাসীতে কিন্তু Henriর উচ্চারণ ‘আঁরি’; রোমান অক্ষরে দুইটিই লেখা হইয়াছে, কিন্তু উচ্চারণে কত তফাৎ। উচ্চারণতত্ত্বের অনুযায়ী বানান রোমান অক্ষরে করিতে হইলে ইংরেজী Henry=[hen-ri], ফরাসী Henri=[ãri]। Siege—ইংরেজীতে [siidz̥] (সীজ্—dz̥=ইংরেজী জ), কিন্তু জার্মানে [zi-gə] (জী-গ্য—উচ্চা o=her এর ঠিক মত ধ্বনি); man—ইংরেজীতে [mæn] (ম্যান, -æ=অ্যা), জার্মানে [man] (মান), ফরাসীতে [mã] (মঁ)। উচ্চারণ ঠিক জানাইতে গেলে দেখা যায় যে, প্রচলিত রোমান অক্ষর একটু আধটু বদলাইয়া বাড়াইয়া না লইলে চলে না; কারণ, ইউরোপে এক অক্ষরের হরেক ধ্বনি বা উচ্চারণ দাঁড়াইয়াছে। এই জন্য একটি Phonetic Alphabet অতি আবশ্যক হইয়া পড়িয়াছে। এই Phonetic Alphabet তৈরী করার মূলমন্ত্র হইতেছে one symbol, one sound: একটি অক্ষরে মাত্র একটি ধ্বনি, d-o=ডু, s-o=সো, এরূপ চলিবে না; (মেনেজার=ম্যানেজার, ইহাও এই নিয়মে unphonetic বানান); s+h তে ‘শ’ বা o+h তে ‘চ’—এইরূপ দুই অক্ষর জুড়িয়া এক ধ্বনি—তাহাও চলিবে না। এইরূপ Phonetic Alphabet উদ্ভাবন ও প্রচলনের জন্য ইউরোপে অনেকে চেষ্টা করিতেছিলেন। কিছু কাল হইল, পারিসের ‘আসোসিআসিঅ’ ফোনেতিক অ্যাসোসিয়েশনাল (Association Phonétique Internationale*) নামক সমিতি ইউরোপের ও অন্তর্দেশের ভাষার উচ্চারণ ঠিক ধরবার জন্য রোমান বর্ণমালায় অক্ষর লইয়া ও তাহার দ্বারা নূতন অক্ষর উদ্ভব করিয়া বৈজ্ঞানিক প্রণালী-

* Phonetic বাদ্যানে ইহা এইরূপ লিখিত হইবে—*asosiasio fnetik xenternasional*।

সম্বন্ধ এক বর্ণমালার প্রচার করিতেছেন। তাহার দ্বারা পৃথিবীর যে কোনও ভাষার শব্দের কথিত (বা লিখিত) রূপ সেই ভাষার নিজের বর্ণমালার চাইতেও সুন্দররূপে ধরিতে পারা যায়। ইউরোপে Phonetics সম্বন্ধে ও কোনও ভাষার উচ্চারণের ইতিহাস সম্বন্ধে যে সকল বই আজকাল লেখা হইতেছে, সেগুলিতে সাধারণতঃ এই বর্ণমালা ব্যবহার করা হয়।

বাল্লা নাম আজকাল যখন ইংরেজী অক্ষরে লেখে, তখন দেখা যায় যে, ইংরেজী ভাষার চলিত উচ্চারণ ও বানানের রীতি ধরিয়া লেখে না। কিন্তু কিছু পূর্বের ইংরেজী বইয়ে ও পুরাতন ইংরেজী কাগজপত্রে এ দেশী নামের যে ইংরেজী বানান পাওয়া যায়, তাহা এখন আমাদের চোখে বড়ই অদ্ভুত লাগে। Bridgenarran, Colly Kishto, Tutto-bodheeney, Nana Furnvese, Hurrish, Chytun, Awley Cawn, Sooraj Dowla প্রভৃতি বানানে 'ব্রজনারায়ণ, কালীকৃষ্ণ, তত্ত্ববোধিনী, নানা ফডনবীস, হুরিশ, চৈতন্ত, আলী খাঁ, সিরাজুদ্দৌলা' ইত্যাদি দেশী নাম পুরাতন ইংরেজী বই ও কাগজে পাওয়া যায়। Dacca, Burdwan, Chittagong, Cawnpore, Tagore, Law, Dawn প্রভৃতি বানান এ যুগের চিহ্নাবশেষ। আগেকার কালে ইংরেজ যখন নিজ অক্ষরে বিদেশী নাম লিখিতেন, তখন নিজের ভাষায় সেই অক্ষরের যেরূপ প্রয়োগ হইত ও নিজের কানে বিদেশী কথা যেমন শুনাইত, এবং নিজে যতটা তাহার ঠিক উচ্চারণ করিতে পারিতেন, সেই অনুসারে চলিতেন। সেইরূপ ফরাসী ও পোর্চুগীসও এ বিষয়ে নিজ নিজ ভাষার রীতি অবলম্বন করিতেন। কিন্তু আজকাল ভাষাতত্ত্বের ও উচ্চারণতত্ত্বের চর্চার ফলে, কোনও বিদেশীয় নাম বা শব্দ যখনও ইউরোপীয় কোনও বইতে আসিয়া পড়ে, তখন ইংরেজী বা ফরাসী বা জার্মান বা অন্য কোনও ভাষা অনুযায়ী বানানে লিখিত হয় না, প্রায়ই একটি মোটামুটি চলিত মান বা Standard ধরিয়া চলা যায় এবং সেই Standardটি বেশীর ভাগ বইয়ে এই—Vowels as in Italian, consonants as in English, অর্থাৎ a, e, i, o, u এর ইটালীয় উচ্চারণ, (আ, এ, ই, ও, উ) এবং ব্যঞ্জনবর্ণগুলির মোটামুটি ইংরেজী উচ্চারণ—এই অনুসারেই চলা হয়।

আলোচ্য বইখানি খ্রীষ্টীয় ১৭৩৪ সালে বা তাহার কিছু পরে লিসবনে ছাপা, পোর্চুগীস পত্রীর লেখা। সে কালে কোথাও বাল্লা ছাপার হরফ তৈরী হয় নাই, বাল্লা বই ছাপাইতে গেলে রোমান অক্ষরের আশ্রয় লওয়া ছাড়া উপায় ছিল না। রোমান কাণলিক পত্রীর কাছে হয় ত ইহা খুব অশ্রেয়ই কথা ছিল; কারণ, ইহার কিছু পূর্বে গোয়ায় গৌড়া খ্রীষ্টান শাসনকর্তারা দেশী বর্ণমালার প্রচলন বন্ধ করিয়া দিয়াছিলেন, এমন কি, দেশী ভাষা উঠাইয়া দিয়া তাহার জায়গায় পোর্চুগীস চলাইবার চেষ্টাও করিয়াছিলেন। বাহা হোক, তখন ইউরোপে ভাষাতত্ত্ববিজ্ঞানের উদ্ভব হয় নাই, উচ্চারণতত্ত্বের কথা দূরে থাক; Phonetic Alphabetএর কথা কেহ ধারণাও করিতে পারিত না। পাত্রী মাহ্‌এল-দা-আল্‌ফন্‌সার্ড পোর্চুগীস ভাষার প্রচলিত বানান অনুসারে, বাল্লা শব্দ তাঁহার কানে যেমন লাগিত, সেই রকম লিখিয়া গিয়াছেন।

তাহার উদ্দেশ্য ছিল যে, যে কেহ রোমান অক্ষরে লেখা বই, অর্থাৎ পোর্টুগীস বই পড়িতে পারে, (সে কালে ইংরেজী বা ফরাসীর কোনও প্রভাব এ দেশে ছিল না) সে এই বইও পড়িতে পারিবে। কোনও বাঙ্গালী এই বাঙ্গালা বই আন্দাজে আন্দাজে পড়িয়া বাইতে পারেন ; বানানের রীতির সঙ্গে পরিচয়ের অভাব তাহার ভাষাজ্ঞান দ্বারা কতকটা দূর হইবে বটে, কিন্তু পোর্টুগীস বানানের রীতি জানা থাকিলে রোমান অক্ষরে লেখা এই বাঙ্গালা বই পড়িয়া একটি বিশেষ আবশ্যকীয় বিষয়ে আমরা কিছু তথ্য সংগ্রহ করিতে পারি। এই বই যদি বাঙ্গালা অক্ষরে ছাপা হইত, তাহা হইলে সেই বিষয়টিতে ইহা আমাদের তেমন কাজে আসিত না। বিষয়টি হইতেছে বাঙ্গালা ভাষার উচ্চারণ-তত্ত্ব (Phonetics)।

বাঙ্গালা ভাষার ‘ব্যাকরণ’, অর্থাৎ ইহার বিভক্তি প্রত্যয় প্রভৃতি প্রাচীন যুগে কি ছিল, তাহা প্রাচীন বাঙ্গালা সাহিত্য পড়িয়া জানা যায়। কেমন করিয়া বৈদিক সুপ্তিঙ্ প্রাকৃত্তে বিকৃত ও বহু স্থানে লুপ্ত হইয়া পড়িল এবং কেমন করিয়া আধুনিক ভাষাগুলিতে নূতন নূতন বিভক্তি আদি উদ্ভাবিত হইল, সে কথা বৈদিক ও সংস্কৃত, পালি ও প্রাকৃত্ত এবং অপভ্রংশ ও পুরাতন যুগের বাঙ্গালা, হিন্দী, মরাঠী প্রভৃতি চর্চা করিয়া বুঝিতে পারা যায়। কিন্তু ভাষার উচ্চারণ তাহার ব্যাকরণের সঙ্গে ঘনিষ্ঠ ভাবে সম্বন্ধ। মুখে মুখে ঠিক যেমনটি উচ্চারিত হয়, সেইটিই হইতেছে জীবন্ত, প্রাণযুক্ত শব্দ, এবং উহার লিখিত ‘সাধু’ বা ‘শুদ্ধ’ রূপ উহার প্রাণহীন প্রতিকৃতি মাত্র। অন্ততঃ যে সকল ভাষা ধ্বনিযাজক বর্ণমালার সাহায্যে লেখা হয়, সেইগুলির সম্বন্ধে একথা খাটে ; চীনা, প্রাচীন মিসরীয় প্রভৃতি ভাষা, যেগুলি বস্তুচিত্র (pictogram) বা ভাবচিত্র (ideogram) দ্বারা মুখ্যতঃ লিখিত হয়, সেগুলি সম্বন্ধে সম্পূর্ণরূপে না খাটিতে পারে। উচ্চারণের ভেদ বা স্বাভাবিক পরিবর্তনকে উচ্চারণ-শাস্ত্র সম্বন্ধে উদাসীন পণ্ডিতেরা হয় ত উচ্চারণের ‘বিকৃতি’ বলিবেন ; কিন্তু এই ‘বিকৃতি’ই ভাষার ব্যাকরণ বদলিয়া দেয়। উচ্চারণের উপরই ভাষার ব্যাকরণ প্রতিষ্ঠিত। সংস্কৃত উচ্চারণের সঙ্গে সংস্কৃত সন্ধি পর্যায় জড়িত। তুলনামূলক ব্যাকরণ (Comparative Philology) চর্চা করিলে দেখা যায় যে, সংস্কৃত ব্যাকরণের অনেক জটিল বিষয়, আদি আৰ্য্য-মাতৃভাষার অতি প্রাচীন অবস্থার উচ্চারণের আলোচনা করিলে স্পষ্ট হইয়া যায়। বৈদিক যুগের চলিত কথা-বার্তার ভাষার উচ্চারণের পরিবর্তনেই প্রাকৃত্তের উদ্ভব। উচ্চারণের বৈষম্যের জন্ত পূর্বা, দক্ষিণ ও পশ্চিম-বাঙ্গালার কথিত ভাষার ব্যাকরণ পরস্পর হইতে পৃথক্ হইয়া পড়িয়াছে ও আরও পড়িতেছে। এই কারণে গাঁহার বাঙ্গালা বা অপর কোনও ভাষার ব্যাকরণ অনুশীলন করেন, তাহাদের পক্ষে সেই ভাষার প্রাচীনতম যুগ হইতে আরম্ভ করিয়া আধুনিক কাল পর্যন্ত তাহার উচ্চারণ-প্রণালীর, তাহার historical phonetics বা phonology সহিত বিশেষভাবে পরিচিত হওয়া অবশ্য কর্তব্য।

বাঙ্গালা ভাষার প্রাচীন অবস্থার কি কি ধ্বনি (sound) ছিল, তাহা আমাদের জানিবার উপায় নাই ; অন্ততঃ নিশ্চিতরূপে জানিতে পারা যায় না। সংস্কৃতের বা বৈদিক ভাষার

উচ্চারণ কি ছিল, নানা উপায়ে সে বিষয়ে একটা মোটামুটি স্থিরসিদ্ধান্ত হইয়া গিয়াছে। কিন্তু ছোট্ট খুঁটিনাটি বিষয়ে আমাদের সন্দেহ একেবারে দূর হয় নাই। পাণিনির সময়ে সংস্কৃত ‘অ’এর উচ্চারণ ‘কণ্ঠ্য’ বা ‘বিসৃত’ উচ্চারণ ছিল—অর্থাৎ আদিম যুগের ভাষার ‘অ’ ইংরাজী ‘father’এর ‘আ’এর মত ছিল, তবে এই হ্রস্ব ঋ দীর্ঘ ‘আ’-কারের চাইতে একটু মুহূ উচ্চারিত হইত। পরে ‘সংসৃত’ উচ্চারণ ভাষায় দাঁড়াইয়া যায়, এই ‘সংসৃত’ উচ্চারণ ইংরেজী ‘hub’, ‘her’, ‘china’ প্রভৃতি পদের u, e, aয় মত; এই উচ্চারণ এখনও হিন্দী, পঞ্জাবী, মরাঠী ও ত্রাবিড়-ভাষাগুলিতে আছে। কিন্তু বাঙ্গালার ‘অ’এর চলিত উচ্চারণ ‘hot’এর oর মত,—আবার অনেক স্থলে, বিশেষতঃ সম্রাট (দক্ষিণবঙ্গে), একেবারে ও-কারের মত। কত দিন হইল, বাঙ্গালার এই উচ্চারণ আসিয়াছে? বাঙ্গালার সংস্কৃত অন্তঃস্থ ‘ব’ লোপ পাইয়াছে; ‘অ’-কারের এই ও-বোঁটা উচ্চারণের সঙ্গে অকারান্ত অন্তঃস্থ ‘ব’-এর অন্তর্ধানের কোনও সম্বন্ধ আছে কি? এবং বাঙ্গালার অন্তঃস্থ ‘ব’এর লোপ কত দিন হইতে হইয়াছে? ‘এ’কারের (=e), অ্যা (=æ) বা অ্যা-কার বোঁটা উচ্চারণই বা কত দিন হইল আসিয়াছে? ‘র’-ফলার পূর্বে ‘শ’এর দ্বন্দ্ব উচ্চারণ (=s) কত দিনের? বাঙ্গালা উচ্চারণ-পর্যায়ে এইরূপ শত শত প্রশ্নের সমাধান হয় নাই, এবং এই সকল বিষয়ের মধ্যেই বাঙ্গালা ব্যাকরণের যাহা কিছু গোলমালে বিষয় সবই নিহিত আছে। রায় বাহাদুর শ্রীযুক্ত যোগেশচন্দ্র রায় বিদ্যানিধি মহাশয় বাঙ্গালা ভাষার যে ব্যাকরণ লিখিয়াছেন, তাহা অতি অপূর্ণ, বাঙ্গালীর পক্ষে ঐ বই ও উহার বাঙ্গালা শব্দকোষ গৌরবের বস্তু। কিন্তু বাঙ্গালা ভাষার সর্বাঙ্গসম্পন্ন ব্যাকরণ লিখিতে গেলে এ বিষয়ে যথাযোগ্য দৃষ্টি দিতে হইবে। আজকাল আধুনিক ভাষাবিজ্ঞান-সম্পন্ন রীতিতে,—ভাষা দখলের জন্ত নয়, ভাষার ইতিহাসের জ্ঞানের জন্ত—ইউরোপে ও আমেরিকায় ভিন্ন ভিন্ন ভাষায় যে সকল ব্যাকরণ লেখা হইতেছে, সেগুলিতে দেখা যায় যে, Morphology বা শব্দ ও ধাতুরূপ প্রভৃতি লইয়া যতটা আলোচনা করা হয়, Phonology বা সেই ভাষার উচ্চারণের ইতিহাস এবং সেই কারণে তাহার ব্যাকরণের পরিবর্তন লইয়া তাহার চাইতে কম আলোচনা হয় না। অনেক স্থলে দেখা যায় যে, উচ্চারণ-তত্ত্ব লইয়াই বেশী মাথা ঘামান হইয়াছে; ৪০০ পাতার একখানি বইয়ে হয় ত ২৫০ পাতা Phonology লইয়া, বাকীটুকু Morphology ও Syntax লইয়া। কারণ, ভাষার ব্যাকরণের ও পদবিভক্তির সমস্ত গুণ রহস্ত তাহার উচ্চারণের ইতিহাসের মধ্যে নিহিত রহিয়াছে।

বিষয়টি বিশেষ অটল ও দুর্বল, এবং ইহার যথাযোগ্য আলোচনা ও সমাধান শিক্ষা ও পরিভ্রমসাপেক্ষ। ঠিক মত ধরিতে গেলে আমাদের দেশে ত একটা ভাষা নয়,—রাঢ়, বাগড়ী, বরেন্দ্র, বঙ্গ, চট্টল, সকল স্থানেরই চলিত ভাষা স্ব স্ব প্রধান, উচ্চারণে, ব্যাকরণে স্ব স্ব মতাবলম্বী; ভিন্ন অক্ষরে লেখা হইলে হয় ত ওড়িয়া, মৈথিল, ভোজপুঁরিয়া, অসমিয়ার মত ভিন্ন ভিন্ন স্বাধীন ভাষা হইয়া দাঁড়াইত। বাঙ্গালা সাধুভাষার অপভ্রংশে বাঙ্গালা দেশের প্রাদেশিক ভাষার উৎপত্তি হয় নাই, বরঞ্চ বাঙ্গালা সাধুভাষার অর্থাৎ আধুনিক গদ্য সাহিত্যের ভাষারই উদ্ভব ইহাদের হইতে। বাঙ্গালা দেশের ভাষার ইতিহাস চর্চা করিতে হইলে এই প্রাদেশিক

ভাষাগুলির ব্যাকরণ আলোচনা করা বর্তমান আবশ্যক, ইহাদের উচ্চারণ-রীতিরও আলোচনা সেইরূপ আবশ্যক। বাঙ্গালা উচ্চারণ বদলাইয়াছে, এখনও আমাদের চোখের সামনে আরও বদলাইতেছে, কিন্তু বাঙ্গালা অক্ষরের সাহায্যে এই পরিবর্তন ধরিবার উপায় নাই। বাঙ্গালা অক্ষরগুলি প্রাচীন কালে বাঙ্গালা ভাষার কি কি ধ্বনি জানাইত এবং ভিন্ন ভিন্ন স্থানে ও বিভিন্ন যুগে সেই সকল ধ্বনি কতটাই বা পরিবর্তিত হইয়া পড়ে, তাহা ভাল করিয়া জানিবার ও বুঝিবার পথ নাই। বৈদিক ও সংস্কৃতের বানান উচ্চারণ অল্পমাত্রা ছিল, এবং ‘প্রাকৃত’ ও ‘অপভ্রংশ’ সম্বন্ধে সে কথা অনেকটা খাটে। কিন্তু প্রাচীন কাল হইতেই বাঙ্গালা ভাষা বানান বিষয়ে যেন নিরঙ্কুশ; এ বিষয়ে মৈথিল, হিন্দী প্রভৃতি ভাষা বরাবর বাঙ্গালার চেয়ে সংযত। বৈদিক ভাষা হইতে আরম্ভ করিয়া, মাগধী অপভ্রংশ পর্য্যন্ত কোন একটি পদ কেমন করিয়া রূপ বদলাইয়া আসিতেছে, তাহা বেশ ধরিতে পারা যায়; কিন্তু বাঙ্গালা ভাষায় সেই পদটির ‘খাঁটা বাঙ্গালী ভাবে’ যে গতি চলিল, তাহা ভাল করিয়া বুঝিবার চেষ্টা করা উচিত। প্রাচীন বাঙ্গালা হইতে আধুনিক বাঙ্গালা পর্য্যন্ত সেই পদটির ইতিহাস পর্যালোচনা আবশ্যক। যেমন ‘লক্ষ্মী’ এই পদটি; প্রাকৃত হইয়া যাইবার পূর্বে অবস্থায় ইহার উচ্চারণ ছিল ‘ল-কৃষ্ণমী’; মাগধী প্রাকৃত হইতে উদ্ভূত ভাষাগুলির মধ্যে এক আধুনিক বাঙ্গালার ‘লোক্‌ষি’, এইরূপ ‘ম’কারহীন রূপ পাই; অসমিয়াতে ‘লখিমী’, মৈথিলে ‘লখিমৌ’, ওড়িয়াতেও মকার আছে। বাঙ্গালার এই ‘ম’ লোপ কত দিন হইল হইয়াছে? পুরাতন বাঙ্গালা বইয়ে ‘লখিন্দর’, ‘লখাই’ নাম দেখিয়া বুঝা যায় যে, পুঁথি লেখার কালে আগ-কালের মত ‘ম’-লুপ্ত উচ্চারণই ছিল। কিন্তু আমাদের লিঙ্গাস্য, বাঙ্গালার কোন্ সময়ে অসমীয়া ও মৈথিলের মত এই ‘ম’ চলিত ছিল? ইহার উত্তর বাঙ্গালার পুরাতন পুঁথিতে পাওয়া যাইতে পারে। কিন্তু বাইরের কাহারও সাক্ষ্য এ বিষয়ে বড়ই কাজ দিবে, সকল সন্দেহ দূর করিবে। ফারসী বইয়ে এই প্রাচীন যুগের দুই চারিটি নাম লেখার ধরণ হইতে এই সাক্ষ্য আমরা পাইতে পারি। ‘তবকৎ-ই-নাসিরী’র মত প্রাচীন ফারসী ইতিহাসে যখন راي لکھمنيه, ‘রায় লখ্মনিয়হ্’ এই রূপ বানানে লাক্ষ্মণের সেনের নাম পাই, তখন আমরা এই সিদ্ধান্ত করিতে পারি যে, খ্রীষ্টীয় তেরতম শতাব্দীতে বাঙ্গালা ভাষায় ‘লক্ষ্ম’-এর ‘ম’ একেবারে লোপ পায় নাই। আবার لکھنوتی লখনবতী—বানান দেখিয়া বোঝা যায় যে, ‘ম’ এই যুগে সব জায়গায় উচ্চারিত হইত না; ইহার লোপ এই যুগে আরম্ভ হইয়াছিল, ধরিয়া লইতে পারা যায়। আবার এই لکھنوتی লখনবতী দেবকোট দেবকোট দেবকোট

* ঐরূপ যুক্ত বর্ষে বাঙ্গালার ‘ম’ লোপ পায় এবং অনেক স্থলে অনুমানিক হইয়া যায়। প্রাকৃতে ‘ম’ লোপ পায় বটে, কিন্তু সাধারণতঃ বিপ্রকর্ষণ হয়; যেমন ম—মরণ=সরণ, হমরণ। বাঙ্গালার লোপই স্বাভাবিক, তবে সাধারণতঃ নুতন করিয়া আমদানী পণ্ডিতী শব্দের প্রভাবের কালে চম্ভবিলু করিয়াই পড়া হয়। পদ্ম=‘পদ্মো’; সূক্ষ্ম=সূক্ষ্ম, আধুনিক ‘সুক্ষ্ম’। প্রাকৃত উচ্চারণের সঙ্গে পণ্ডিতী বানানের একটা আপোষ হইয়াছে। ভাষার ইতিহাসের পক্ষে এই আপোষটুকুরও বিচার আবশ্যক।

নদীয়াহ্ বা نوديه নোদীয়াহ্ (সাহেবেরা আধুনিক ফারসী উচ্চারণ ধরিয়া লেখেন Núdiah অর্থাৎ 'নুদীয়াহ্') প্রভৃতি বানানে জানা যায় যে, তখন বাঙ্গালা দেশ হইতে 'অন্তঃস্থ' হইয়া নির্বাসিত হয় নাই, এখন বাহা 'লখনাবতী' বা 'লখনাবতী', 'দেবকোট' ও 'নদীয়া' উচ্চারিত হয়, তখন সেগুলির উচ্চারণে মুসলমান বিজেতাদের কানে ব-এর ধ্বনি আসিত, তাই তাঁহারা ফারসী, (=w, v) অক্ষর দিয়া লিখিয়াছেন।*

এইরূপ ছই চারিটি কথা হইতে দেখা যাইতেছে যে, এ দেশী শব্দের ফারসী বানান পুরাণ উচ্চারণ ধরিবার জন্ত কতকটা সাহায্য করে। এই রকম বিষয়ে যেখানে বাঙ্গালা অক্ষরে লেখা বইয়ের সাহায্যে মীমাংসা হওয়া শক্ত, সেখানে যদি বিদেশী বর্ণমালার সাহায্য পাই, তবে বড় কাজের হয়। ভিন্ন ধরণে তৈরী ফারসী কি আর কোন বিদেশী বর্ণমালার অক্ষরে, বাঙ্গালা শব্দের তখনকার চলিত উচ্চারণ ধরিয়া লেখা রূপ যদি পাই, তাহা হইলে এ সকল সন্দেহের অনেকটা খণ্ডন হয়। অবশ্য এ ক্ষেত্রে আবার সেই কালে সেই বিদেশী ভাষার অক্ষরগুলির কি ধ্বনি (sound) ছিল, তাহা জানা দরকার। ইরান দেশের ফারসীতে আজ-কাল 'এ' 'ও', অর্থাৎ বাহাকে 'মজহুল' উচ্চারণ বলে, তাহা অপ্রচল হইয়া আসিতেছে; তাহার স্থানে 'ঈ' 'উ' ('ম'রুফ' উচ্চারণ) চলে; 'আ' সাধারণতঃ 'আও', 'আউ' বা 'উ'রূপে উচ্চারিত হয়; ব (w) সর্বত্র v হইয়া গিয়াছে। ফারসী চার পাঁচ শ' বছর আগে কেমন করিয়া পড়া হইত, সে দিকে মজর না রাখিয়া বাঙ্গালা কথার ফারসী রূপ আলোচনা করিলে কোনও ফল হইবে না। মুনশী শ্রীযুক্ত আব্দুল করিম মহাশয় যে সকল আরবী (ফারসী) অক্ষরে লেখা বাঙ্গালা পুথির কথা লিখিয়াছেন, সেগুলি যদি খুব পুরাতন হয়, তাহা হইলে সেগুলি বড়ই উপকারে লাগিবে। কিন্তু আরবী লিপির অসম্পূর্ণতা অনেক, ইহাতে স্বরবর্ণ ভাঙ করিয়া জানাইবার বন্দোবস্ত নাই, অনেক সময়ে স্বরবর্ণের রেওয়াজ থাকেই না, আন্দাজে আন্দাজে বুঝিতে হয়। এ বিষয়ে রোমান অক্ষরগুলি জগতে সর্বশ্রেষ্ঠ; আমাদের দেশী বর্ণমালার চাইতেও; কারণ, রোমান লিপিতে শব্দের প্রাণ স্বরবর্ণগুলি স্পষ্ট ও পৃথক করিয়া লেখা হয়, ব্যঞ্জনবর্ণের পায়ের তলায়, পাশে, মাথায়, গায়ে লুকাইয়া থাকে না। এখন, রোমান অক্ষর ব্যবহার করেন, এমন ইউরোপীয় ভ্রমণকারী ও ব্যবসায়ী মার্কে পোলোর সময় হইতে এ দেশে আসিতে আরম্ভ করিয়াছেন। এশিয়ার ও অন্তর্জাত মহাদেশের যেখানে যেখানে তাঁহাদের গতিবিধি হইত, তাঁহারা সেখানকার সম্বন্ধে বই লিখিয়া, নক্সা আঁকিয়া

* এই সম্বন্ধে শ্রদ্ধেয় শ্রীযুক্ত রাধাকান্ত বন্দ্যোপাধ্যায় মহাশয়ের সহিত আমার কথা হইয়াছিল। মুসলমান যুগের বাঙ্গালার ইতিহাস রচনায় ব্যাপৃত থাকার দরম ইহাকে পুরাণ ফার্সী পুথি দেখিতে হইতেছে। ফার্সী বইয়ে যে সকল এ দেশী নাম পাওয়া যায়, সেগুলির যথার্থ আদিম ফার্সী রূপ আমরা পাই কি না, সে বিষয়ে রাধাকান্ত বিশেষ সন্নিধান। পুরাণ ফার্সী 'তোব্-রা' ছাঁদে লিখিত হইত, বিশেষতঃ নামগুলি; এবং পুথি নকল করিবার সময় নকলনবীসেরা অনেক সময়ে বিপর্যয় ঘটাইয়া বসিয়াছেন দেখিতে পাওয়া যায়। এ বিষয়টি ধরিলেও, অল্পমাত্র যে সাহায্য ফার্সী বই হইতে পাওয়া যাইতে পারে, তাহা আমাদের উপেক্ষণীয় নহে।

নিজদেশের দেশের লোকের জ্ঞান বাড়াইতে চেষ্টা করিতেন। ইউরোপীয় ভ্রমণকারীদের বইয়ে এবং খ্রীষ্টীয় সতের শত ভারতবর্ষের যে কতকগুলি ম্যাপ্ ইটালী ও হলাণ্ডে ছাপা হইয়াছিল, তাহাতে এ দেশী নাম যাহা পাওয়া যায়, তাহাও আমাদের কাজে আসিবে।” রোমান অক্ষরে লেখা প্রাচীন বাঙ্গালার কোনও বই যদি আমরা পাই এবং সেই বইয়ে যদি বাঙ্গালা উচ্চারণের—বাঙ্গালা বানানের নয়,—একটা মোটামুটি অঙ্কুরণের চেষ্টা থাকে, তাহা হইলে আমাদের উদ্দেশ্য সিদ্ধির পক্ষে অনেকটা সুবিধা হয়।

‘কুপার শাস্ত্রের অর্থভেদ’ বইখানি ঠিক এই প্রকারের; তবে ইহা খুব বেশী পুরাতন নয়। খ্রীষ্টীয় ১৭৩০ সাল, এখন হইতে ১৮২ এক শ’ বিরাশী বছর, মোটামুটি ইহাকে শ’ দুই বছরের আগের সময়ের ভাষার নমুনা হিসাবে ধরিতে পারা যায়। বইখানির মুখপত্র নাই; পোর্টুগীস ভাষায় একটি ছোট ভূমিকা আছে। তাহা হইতে জানা যায় যে, ভাওয়ালে (Ba-[va]) লেখা হইয়াছিল। ভাওয়ালের কাছে ‘নাগরী’[†] বলিয়া একটি জায়গার বিষয় উল্লেখ আছে। সুশীল বাবু বইয়ের যে অংশটুকু পত্রিকায় তুলিয়া দিয়াছেন, তাহার মধ্যে এই কথা পাওয়া যাইবে। বইখানিতে পোর্টুগীস ভাষায় রচিত একটি গুরু-শিষ্যের আলাপ অর্থাৎ খ্রীষ্টানধর্ম ও অজ্ঞানবিষয়ক প্রশ্নোত্তরমালা ও তাহার বাঙ্গালা অনুবাদ আছে। অনুবাদক পাদ্রী আস্ত্রুমসার্ড^{*} ঢাকা অঞ্চলের চলিত ভাষা অবলম্বন করিয়া লিখিয়াছেন, তাহার ভাষা পূর্ব-বঙ্গে দুই শ’ বৎসর পূর্বে চলিত ভাষার সুন্দর নিদর্শন। উচ্চারণে, ব্যাকরণে, কথার চঙে এ ভাষা একেবারে পূর্ববঙ্গের, এবং বইখানি বাঙ্গালা উচ্চারণের আলোচনার পক্ষে সহায়ক বলিয়া অমূল্য।

বাঙ্গালা কথাগুলি পোর্টুগীস রীতি অনুসারে লেখা হইয়াছে। পোর্টুগীস উচ্চারণ ও বানানের নিয়ম ইংরেজী হইতে অনেকটা আলাদা; সংক্ষেপে সে সম্বন্ধে কিছু বলা যাক। পোর্টুগালের রাজধানী লিসবনের আধুনিক উচ্চারণ পাইয়াছি; দু’ শ’ বছর আগেকার উচ্চারণটি সব জায়গায় ঠিক কেমন ছিল, জানিতে পারি নাই, তবে একটু আশটু তফাৎ হইলেও মূলে আজকালকার মতই ছিল, ধরিয়া লইতে পারা যায়। এই দু’ শ’ বছরে উচ্চারণ বিষয়ে এক

* গ্রীকদের যুগে যখন ভারতীয় নাম গ্রীক ও লাতিন লেখকেরা লিখিতেন, তখনকার সেই বিদেশী রূপ হইতে স্পষ্ট জানা যায় যে, ভারতে তখন চ-বর্গীয় বর্ণগুলির দুই রকম উচ্চারণ ছিল। এ বিষয়ে কতকগুলি প্রাকৃত ব্যাকরণকার যাহা বলিয়া গিয়াছেন, ভারতীয় নামের গ্রীক বানানে সে কথা কতকটা সমর্থিত হয়। গ্রীকদের সাহেবের প্রবন্ধ The Pronunciation of the Prakrit Palatals, JRAS, ১৭১৩, ৩৯ পৃষ্ঠা ও শ্রীযুক্ত বসন্তকুমার চট্টোপাধ্যায় এম্ এ লিখিত প্রবন্ধ—“চ-বর্গীয় বর্ণসমূহের উচ্চারণ”—সাহিত্য-পরিষৎ-পত্রিকা ১৩২০, তৃতীয় সংখ্যা দ্রষ্টব্য।

† এই ‘নাগরী’ সম্বন্ধে কলিকাতা, বর্তমান-খ্রীষ্টের রোমান কাথলিক গির্জার পাদ্রী ওগটস সাহেব (the Rev. Father L. Wauters, S. J.) আমায় বলিয়াছেন যে, নাগরী ভাওয়ালের ১৭১৮ মাইল দূরের একটি জায়গা, সেখানে একটি পুরাতন গির্জা আছে ও ঐ স্থান এ দেশে কাথলিক খ্রীষ্টানদের একটি পুরাতন কেন্দ্র ছিল।

ইংরেজী ও ফরাসীর বা কিছু বিশেষ পরিবর্তন ঘটানো, ইউরোপের অন্তর্ভুক্ত ভাষাগুলি এ বিষয়ে বেশ রক্ষণশীল।

১। a, e, i, o, u—accent বা কোঁক দিয়া উচ্চারিত হইলে, যথাক্রমে=আ, এ, ই, ও, উ।

২। a, e, o—মৃদু উচ্চারিত হইলে যথাক্রমে ‘অ্যা’ (অর্থাৎ ইংরেজী ‘her’এর er মত), ই, উ। যেমন chuva=chúva=ও-ভা (বৃষ্টি); padre=পাদ্রি (পাদ্রি); vento=ভে.ন্ত (বাতাস); amamos=আ-মা-মুশ্ (ভালবাসি), amámos=অ্যা-মা-মুশ্ (ভালবাসিয়াছি); desajoso=দ্রি-জি.-ঝে.শ-ত্ (টচ্ছুক)।

৩। ai=আই; ahe (পদান্তস্থ)=আই; ei=এই; eu=এউ; ou=ওউ, উ; oi=ওই; ao (পদান্তস্থিত)=আউ; † pão=পাঁউ (রুট)।

৪। ca, co, ou=কা, কো, কু; ce, ci=সে, সি (s); ç=স (s)।

৫। ch=শ, য (লিঙ্গবনের ভাষায়)। প্রাচীন উচ্চারণ ছিল ‘চ’*, এই উচ্চারণ উত্তর-পোর্টুগালের ত্রাস-ওশ-মন্টিশ্ (Tras-os-montes) প্রদেশে এখনও প্রচল আছে। ২০০ বৎসর পূর্বে, অর্থাৎ যখন ‘কুপার শাক্সের অর্থভেদ’ লেখা হইয়াছিল, তখন ‘চ’ ছিল, কি ‘শ’ হইয়া গিয়াছিল, জানিতে পারি নাই; তবে বাল্গা ‘চ’ জানাইবার অস্ত্র chএর যেমন প্রয়োগ দেখা যায়, sও তেমনি পাওয়া যায়। পূর্ববঙ্গে তালব্য ও দন্ত্য উচ্চারণ দুইই বোধ হয় তখন চলিত ছিল এবং হয় ত তখনও দন্ত্য ts বা s জাতীয় উচ্চারণ তালব্য ‘চ’কে একেবারে অপ্রচলন করিতে পারে নাই। এই সময়ে chএর উচ্চারণ ‘চ’ই ছিল ধরিয়া লইতে পারা যায়।

৬। d=দ; f=ফ. (=ফারসী ف)।

৭। ga, go, gu=গ; gue, gue=গে, গি; gua, guo=গুয়া, গুও।

ga, gi=ঝে., ঝি.=ফরাসী j, ইংরেজী zh বা ফারসী j;।

৮। h প্রায় সর্বত্রই অক্ষরিত।

৯। j ফরাসীর মত=ঝ, zh,—z নয়। ‘কুপার শাক্সের অর্থভেদে’, বাল্গা জ=z, ইংরেজীর মত jর ব্যবহার নাই।

১০। বিদেশী শব্দ ভিন্ন অস্ত্র kর ব্যবহার নাই।

১১। l=ল; lh=ল্যা, কতকটা ঳এর মত;=স্পেনীয় ll, ইটালীয় gl.

১২। m=ম, যখন পদের আগে বা দুইটি স্বরের মাঝে থাকে। পদান্তস্থিত m=ম্; bom=বো (ভাল), um=উ (এক)।

১৩। n=ন; ইহার প্রয়োগ m এর মত; তবে পদান্তস্থিত n, যখন অনুনাসিক উচ্চারিত হয়, তখন ইহার রূপ ং হইয়া যায়, ও চন্দ্রবিন্দুর মত এই চিহ্ন স্বরের মাঝায়

বসে। ~ চিহ্নের পোর্টুগীস নাম ‘তিল’ (til)। যেমন cão (=cano)=কাউ (কুকুর); Camoës (Camoens) কামোইশ্ (পোর্টুগালের সর্বশ্রেষ্ঠ কবির নাম)। pão=পাউ (অর্থ কুটী, বাঙ্গালার পাউকুটী); boião=বোতাউ=বোতাঙ, বোতাম [ইংরেজী button ‘ব্য-টুন’ হইতে বাঙ্গালা শব্দ আসে নাই]। nh=ঞ, স্পেনীয় ñ, ইটালীয় ও ফরাসী gn; senhor=সেঞ্হোর (মহাশয়)।

১৪। p=প।

১৫। q=ক; qua, quo=ক্বা, ক্বো; que, qui=কে, কি।

১৬। r=র (বাঙ্গালার মত, ইংরেজীর মত ডু-ঘেঁবা র নহে)।

১৭। s=স; ছই স্বরের মধ্যে থাকিলে জ. (z) এর মত উচ্চারিত হয়। পদান্তস্থিত ও অক্ষরের (সিলেবলের) শেষে s ‘শ’, এবং এই অবস্থার ঘোষবর্ণ (b, d, g) ও m এর পূর্বে থাকিলে ঝ. (zh) এর মত উচ্চারিত হয়। যেমন gostos=গোশ্‌তুশ্ (স্বপ্ন); esta=এশ্‌তা (আছে); pasmo=পাশ্‌মু (আশ্চর্য্য); desde=দেব্‌দি (তৎপর)।

১৮। t=ত (ট নহে); v=ভ, ব (ওঅ); w নাই।

১৯। x=সাধারণতঃ শ; কিন্তু জ্, স (s), জ. (z) উচ্চারণও দেখা যায়।

২০। y বিরল, যেখানে মিলে, সেখানে=ই।

২১। z=জ.; কিন্তু luz=লুশ্ (আলো) cruz=ক্রুশ্।

এই বইতে রোমান অক্ষরে উপরে লেখা উচ্চারণ-মত বাঙ্গালা লেখা হইয়াছে। এখনও গোয়াতে ওই রকমের বানানে রোমান হরফে কোঙ্কণী ভাষা লেখে। এই ভাষার ইহাদের খবরের কাগজ প্রভৃতিও বাহ্যিক হয়।

বাঙ্গালা বর্ণমালায় অক্ষরগুলি ‘রূপার শাস্ত্রের অর্থভেদে’ এইরূপ রূপান্তরিত হইয়াছে। এই বানানের নিয়ম বেশ বীধা-বীধির সঙ্গে সব জায়গায় পালিত হইয়াছে।

স্বরবর্ণ

১। অ। (ক) অ=প্রায় সর্বত্রই o : যেমন debota (দেবতা), proloe (প্রলয়), orth (অর্থ), xotontro (‘অতন্ত্র’, ‘শতন্ত্র’), odibax (অধিবাস), poromexor (পরমেশ্বর)। ইহার কিছু কাল পূর্বে ইউরোপে প্রকাশিত বাঙ্গালার ম্যাপে—Sirote (সিরটে=শ্রীহট্ট), Sornagam (সর্ণগ্রাম), Cospetir (গজপতি), Gouro (গৌড়), Mog-en (=মগ-দেশ) প্রভৃতি নাম দেখিয়া জানা যায় যে, বাঙ্গালা ‘অ’ ২৫০ বছর আগেও ইউরোপীয়দের কানে ‘o’র মত লাগিত। কিন্তু বাঙ্গালা ‘অ’কারের এই oর মত উচ্চারণ আরও পূর্বে ছিল; পুরাতন বাঙ্গালা পুথিতে ‘ও’কার ‘আ’কারের অদল-বদল দেখা যায়।

অ কারের ‘অ’ উচ্চারণ এ দেশীয় ভাষাগুলির মধ্যে এক গোয়ানীজেরই দেখিতে পাওয়া যায়, অল্প কোথাও নয়। যেমন গোয়ানীজ sorop=সরপ (সর্প); chicol (চিকল, প্রাকৃতিক চিখিল)=পাঁক; udoo=জল, vinot=বিনতি, patoo=পাতক।

(খ) কিন্তু দুই চার জায়গায় 'অ'র প্রতিকল্প aও পাওয়া যায়; এক্ষণ উদাহরণ কিন্তু খুঁজি বিরল; habilax (অভিলাষ), naroq (নরক), ziantà, zianta (জীৱন্ত), raqhia (রক্ষা), tomara (তোমরা), laxcor (লঙ্কর)।

(গ) আবার পূর্ববঙ্গস্থলত 'অ'কার স্থানে 'উ'কারের প্রয়োগও হ'এক স্থানে পাওয়া যায়; অকার হইতে ওকার, এবং ওকার হইতে উ। xuhor (শুহর=শহর); bidhuba (বিধুবা=বিধবা); puxu (=পশু); munixie (মুনিষিয়ে=মহুষো; 'মুনিম' পশ্চিমবঙ্গে আছে বটে, কিন্তু এখানে এই কথাটি কলিকাতার 'মনিষি'র রূপভেদ); xubhaie xubhai que doea oore (সুভায়ে সুভাইকে দয়া করে=সবাই সবাইকে দয়া করে)। এ স্থলে পূর্ববঙ্গের 'মুশর', বঙ্গের অজ্ঞাত 'মোশাই, মশাই, মশার'; বুন্=বহিন্, ব'ন্, বোন্ প্রভৃতি পদ তুলিত হইতে পারে। [সংস্কৃত বক্ষঃ=চলিত বাঙ্গালা 'বুক'; হলদ—হলুদ, আগণি হইতে আগুন, ছাঅনৌ হইতে ছাউনৌ, গণ হইতে গুলা প্রভৃতি অনেক কথায় 'অ' স্থানে আধুনিক বাঙ্গালার 'উ' পাওয়া যায়]। 'ও'কার দ্রষ্টব্য।

(ঘ) দুই চারি স্থলে বৃক্ষবর্ণের পর বাঙ্গালার যেখানে অকার উচ্চারিত হয়, তাহা নির্দেশ করা হয় নাই; orth (অর্থ), xingh (সিংহ)।

২। আ=a; পদের অন্তে অনেক স্থলে à; bhat (ভাত), capor (কাপড়), noiracar (নৈরাকার, নিরাকার), paibe (পাইবে), tarona (তাড়না), corilla (করিল), doeà (দয়া), cothà (কথা), buzhlàm (বুঝলাম)। এই মাত্রা (accent) চিহ্ন দেওয়া à লিখিবার কারণ পোর্টুগীস বানান (২) এর সূত্র পড়িলে বুঝিতে পারা যাইবে।

৩। ই, ঈ। (ক) i: booti (=ভক্তি), bettibar (ভেটিবার), xidhi (সিদ্ধি), bari (বাড়ী)। দুই এক জায়গায় কথার শেষে i পাওয়া যায়—deqhi (দেখি) ইত্যাদি।

(খ) e, é; খুব কম। (পোর্টুগীস উচ্চারণ (২) দ্রষ্টব্য)। padre (পাদ্রি), ebate (ইহাতে)।

(গ) tthay (ঠাই)—এই শব্দে ই=y।

৪। উ, উ। (ক=u: buzhlà (বুঝিলা), crux (ক্রুশ), rup (রূপ), nirupon (নিরূপণ), du (দু)।

(খ)=o (পোর্টুগীস উচ্চারণ (২) অনুসারে): tomi (তুমি), xori, chori (চুরি, চোরী?), boiconte (বৈকুণ্ঠ), gopto (গুপ্ত), bhoq (ভুখ), xoibar (খইবার), xonia (খনিয়া), boxto (বস্ত), xonilam (খনিলাম), xondor (খন্দর; কলিকাতার ছোট ছেলের 'শোল্ডার' বলে)।

৫। ঋ। বাঙ্গালার অক্ষরটির নাম 'রি' হইলেও ইহার নানা উচ্চারণ আছে। 'রূপার শব্দের অর্থভেদে' ঋ-স্থানে re, ri, er, ir, or, ro এবং e—এতগুলি পাওয়া যায়। পাদ্রী সাহেব যে বাঙ্গালার উচ্চারণ কানে যেমন শুনিয়াছিলেন, তেমন লিখিয়া গিয়াছেন, সে বিষয়ে

কোনও সন্দেহ নাই। crepa (কুপা), obretha (অবুধা=বুধা), (‘অব্রত’ বানানের মত), xixtli (মৃষ্টি), omerto (অমৃত—কলিকাতার ‘অমেৰ্ত্তো’ শুনা যায়), birdho (বুদ্ধ), ghirna (ঘুর্ণা—ঘিরনা হইতে ঘিন্না, কলিকাতার ‘ঘিন্না’), mirtica (মৃন্তিকা), porthibi (পৃথিবী), prothoqhie (‘প্রথকো’—পৃথকে; ‘প্রথকো’ ১৮০০ সালের বাঙ্গালা অক্ষরে ছাপা বাইবেলে আছে); tebio (তৃতীয়)। গোয়ানীসে ‘থ’র অস্ত্র ur, ru ব্যবহার করে; ইহা মরাতী উচ্চারণের অঙ্করূপ—curpa (কুপা), druxtli (দৃষ্টি)।

৬। এ=e, é; é (মাত্রা দেওয়া) ব্যবহারের কারণ পোর্টুগীস উচ্চারণ (২) দ্রষ্টব্য। পোর্টুগীসে e=এ, এবং কতকটা ‘অ্যা’-ঘেঁষা এ, ঠিক ‘অ্যা’ নয়—তাইই আছে। বাঙ্গালার ‘এ’ কারের তিন প্রকার ধ্বনি শুনা যায়। কিন্তু এই বইতে কোনও পার্থক্য করিবার চেষ্টা হয় নাই। zeuo (যেন), etobar (এতবার), xorirer (শরীরের), cale (কালে), ebong (এবং), ehi (এই), lengra (লেঙ্গড়া)। বীকা ‘এ’র উচ্চারণ সম্বন্ধে কিছু নিশ্চিত ভাবে জানিবার উপায় নাই; তবে বীকা এ ছিল; যেমন beca (বৈকা=বীকা=বীকা)। ‘খেরাইয়া’ লিখিবার জন্ত এক স্থানে cadaia লেখা হইয়াছে; এখানে বোধ হয়, বীকা ‘এ’ a বারা জানান হইয়াছে।

৭। ঐ=oi : boiconte (বৈকুণ্ঠ), nolracar (নৈরাকার), hoilo (হৈল, হইল)।

৮। ও। (ক)=o, ó : ghoxanio (গোসাঞি), xonó (শোনো), golam (গোলাম), tomare (তোমারে) ইত্যাদি।

(খ)=u : ‘অ’কার দ্রষ্টব্য; nuq dia cazuaite (নুক [নখ] দিয়া খাজোয়াইতে) (খাওজাইতে=চুলকাইতে); xudhon (শোধন), zut (জ্যোৎ, জ্যোতি), xuag (সোহাগ), muta (মোটা)। ওকার স্থলে ‘উ’ বাঙ্গালা পুথিতেও পাওয়া যায়।

৯। ঔ=ou : houq (হৌক), choudo (চৌদ); ohoqui (চৌকী—এই শব্দে ঔ=০; হয় ত তখন ‘চৌকী’ বলিত)।

ব্যঞ্জনবর্ণ

১০। ক। পদের আদিতে ও মধ্যে ‘আ’কার, ‘ও’কার, ‘উ’কারের পূর্বে থাকিলে ক=০; অন্তে থাকিলে q; que, qui=কে, কি। k নাই। এক Christ, Christlaó (ক্রিস্তাও, ক্রিস্তান) শব্দে ‘ক’এর স্থানে ch এর ব্যবহার; এটি লাতিন বানানের অনুকরণে। crepa (কুপা), coina (কন্না, কন্না), xocol (সকল), tthaour (ঠাকুর), cotha (কথা); houq (হৌক), eq (এক), noroq (নরক), thaeuq (থাকুক); queno (কেন), thaquia (থাকিয়া)। ohonqhar (অহংকার); buq (বুক), কিন্তু buqhe (বুকে); দুই এক স্থলে এইরূপ ক=qhও দেখা যায়; ‘বুধে’ উচ্চারণ হইত কি? অর্থাৎ বন্ধঃ (বন্ধঃ) শব্দের প্রাকৃত রূপ (বন্ধঃ) তখন পুরাপুরি বাঙ্গা। (বুক) হইয়া যায় নাই কি? ‘ক’ স্থানে ‘গ’ এই এক জরিগার

মিলে ; pag-porox (পাগ পরশ = পাকম্পর্শ) । পূর্ববঙ্গের ‘হগল’ (সকল), ও বাঙ্গালা ‘কাগ’, ‘বগ’ তুলনীয় ।

১১। খ = qh : zoqhon (যখন), qhoda (খোদা), qhaibar (খাইবার), xeqbane (সেখানে) । হুই এক স্থানে c, q : coraq (খোরাক), calax (খালাস), cadaia (খেনাইয়া), cazuaite (খাজোরাইতে, খাঙজাইতে), racoal, raqoal, আবার raqhoal, rahoal (রাখোয়াল, রাখাল শব্দের পুরাণ রূপ) ; rahoal বানান পূর্ববঙ্গের বাঙ্গালার হুই শব্দের মধ্যস্থিত ‘ক’ বা ‘খ’ এর, ‘হ’ এর মত উচ্চারণের অনুরূপে ।

১২। গ = g, কথার আগে ; gu—‘এ’কার ও ‘ই’কারের আগে, এবং কদাচিত্ gh। guru (গুরু), golam (গোলাম), onugroho (অনুগ্রহ), goroz (গরজ) ; guelen (গেলেন), amardiguere (আমারদিগেরে), xorgue (অর্গে), xongue (সঙ্গে) ; aghe (আগে), ghoxanio (গোশাকি) ।

১৩। ঘ = gh ; কচিং g ; ghuchauq (ঘুচাউক), ghirna (ঘর্ণা), ghor (ঘর) ; gori (ঘড়ি) ।

১৪। ঙ = ng ; (ঙ = ng) ; ngh ; ngu ; xingh (সিংহ), angul (আঙ্গুল), gori tauguibar (গড়ি টাঙ্গিবার = টাঙ্গাইবার) । ওঅটর্ সাহেবের কাছে ‘কুপার শাস্ত্রের অর্থবেদ’ বইয়ে christiao (= ক্রিস্তান) শব্দটি বাঙ্গালা হরকে ‘কৃত্তাঙ’ ছাপা দেখিয়াছি । ঙ = ঙ = ঙ ; পুরাণ বাঙ্গালার ‘ঙ’র উচ্চারণ ‘ব’ (= ঙঅ, ঙঅ) ছিল ।

১৫। চ। (ক) = ch : uchit (উচিত), cholo (চল), tobacco (তখাচ), ghuchilo (ঘুচিল), praobit (প্রাচিত = প্রায়শ্চিত্ত), chinia (চিনিয়া) ।

(খ) s : sinio (সিন্ধু, ‘চিন্ন’), sair (চীর = চারি ; chair = পাওয়া যায়) ; xausa (সাঁচা), panse (পাঁচে), setona (চেতনা), sinta (চিন্তা) ।

(গ) x (অর্থাৎ ‘শ’) : হুই এক জায়গায় মাত্র, অতি বিরল । xacri (চাকরী), xori (চুরি), banxilo (বাঁচিল) ।

পূর্ববঙ্গে ‘চ’-কারের উচ্চারণ ২০০ বছর আগে কি ছিল—তালব্য অর্থাৎ ইংরেজী ch এর মত, না দন্ত্য অর্থাৎ ts এর মত, তাহা ঠিক বুঝা যায় না । হুই উপায়ে ‘চ’ নির্দেশের চেষ্টা হইতে বুঝা যায় যে, হুই উচ্চারণই ছিল, তবে পোর্টুগীসে ch এর উচ্চারণ এই সময়ে কি ছিল, তাহা জানিতে পারিলে এ বিষয়ে নিঃসন্দেহ হওয়া যাইত । s অপেক্ষা ch এর প্রয়োগ বেশী দেখা যায়, আবার একই কথা (যেমন চার) ch, s দুই দিয়াই লেখা পাওয়া যায় । ‘চ’র অন্ত x বোধ হয় তুল করিয়া s এর বদলে লেখা হইয়াছিল । ফার্সী چاں (চাত্‌গাম্) (চাটগাঁ), چاند, راي, ‘চান্দ’-রায়’ প্রভৃতি বানানে পূর্ববঙ্গের নামে চ অর্থাৎ তালব্য ‘চ’ই পাওয়া যায় ।

১৬। ছ = s, ss, সর্কজই । পশ্চিমবঙ্গে এই উচ্চারণ পাওয়া যায়, তবে সাধারণ

নহে। হিন্দী শব্দের স্ত (s) জানাটবার অস্ত পুরাণ বাঙ্গালারও ‘ছ’ ব্যবহার হইত; ‘ঐছন’, ‘ঐছন’, ‘আলগোছে’ প্রভৃতি পদ দেখিয়া ইহা বুঝা যায়। কিন্তু musalman এই পদের বাঙ্গালা রূপ ‘মোছলমান’ লেখার ফলে, কলিকাতা অঞ্চলে ‘ছ’এর s উচ্চারণ রীতি অবলম্বনাধীন, ‘মোছোরমান’ এইরূপ শুনা যায়, ইহাকে ‘সাধু’ করিবার চেষ্টায় ‘মুছল-মান’। saoa (ছাওয়ার), saria (ছাড়িয়া), assilo (আছিল), paissilo (পাইয়াছিল), soee (ছয়ে), asse (আছে), casse (কাছে), bossor (বছর), xoiasso (সহিয়াছে)। কথার আদিতে s, মধ্যে ss।

১৭। চ্ছ=ch, och; icha, iccha (ইচ্ছা)। ‘চ্ছ’র দ্ব্যুচ্চারণ কখনও হয় না। শ্রীযুক্ত মদনমোহন চৌধুরী, বি-এল মহাশয় পুস্তকলিখা হইতে যে বাঙ্গালা অনুবাদে সহিত বাঙ্গালা অক্ষরে তুলনামূলক হিন্দী রামায়ণ প্রকাশ করিতেছেন, তাহাতে হিন্দী ছ পাছে বাঙ্গালার s হইয়া পড়ে, সেই ভয়ে তিনি ‘চ্ছ’ ছাপাইয়াছেন।

১৮। জ্জ, য=z : zaoa (বাওয়া), zigguiaxa (জিজ্ঞাসা), xurzier zub (সূর্য্যের জ্বল=জ্যোতি), carzio (কার্যা), axchorzio (আশ্চর্য্য), zorum (জরম=জন্ম)। পোর্টগীসে ‘জ’ ছিল না; jর ধ্বনি ছিল zh; এই অস্ত্র কখনও j দিয়া ‘জ’ জানান হয় নাই। কেবল পোর্টগীস নাম João (ঝোআউ=যোহন, জন্) বাঙ্গালা অংশে j দিয়া লিখিত হইয়াছে।

১৯। ঝা=zh : buzhan (বুঝান)।

২০। ঞা=খুব কম; ui-, nio দ্বারা জানান হইয়াছে; ghoxanio (গোশাঞি)।

২১। ট=tt, t; বোধ হয়, যেখানে লেখক অনবধান হইয়াছিলেন, সেইখানেই কেবল একটা t লিখিয়াছেন। গোয়ালীজ ভাষায়ও সর্বত্রই ট=tt, তদ্রূপ ড=dd। drixtti (দৃষ্টি), bettibar (ভেটিবার), ohattilo (চাটিল), noxtto (নষ্ট); muta (মোটা), tanguibar (টালিবার=টালিবার)।

২২। ঠ=tth; tthour (ঠাহুর), tthay (ঠাই), utthibar (উঠিবার)। ‘ঠ’ বেশী পাওয়া যায় না।

২৩। ড=dd; ddaquite (ডাকিতে), ddaait (ডাকাইত), monddob (মণ্ডব, মণ্ডপ)।

২৪। ট পাই নাই; ণ্ণ এর বাঙ্গালার বর্ণমালা ছাড়া অন্ত্র অস্তিত্বই নাই। যেখানে বানানে আছে, সেখানে রোমান অক্ষরে n দ্বারা দেখান হইয়াছে। ইউরোপে আজকাল বুদ্ধগী বর্ণগুলি ফুটকি দেওয়া অক্ষরের সাহায্যে লেখা হয়; t, th, d, dh, n, s।

২৫। ত=t : hoite (হৈতে, হইতে), proti (প্রতি), tini (তিনি), hat (হাত); কতিং বোধ হয় তুলক্রমে tt লেখা হইয়াছে।

২৬। থা=th; t; এবং tt : axtha (আস্থা), thaquilen (থাকিলেন), zothartha (বথার্থ), ath (হাথ, হাত); totacho (তথ্য), onat (অনাথ); axtha (আস্থা)।

২৭। **দ**=d; dunia (দুনিয়া), drixtti (দৃষ্টি), amardigner (আমারদিগের); কিন্তু xadha phul (সাদা ফুল), monddo (মন)—এইরূপ দুই এক স্থানে dh ও dd লেখা হইয়াছে; বোধ হয় অনবধানতার জন্ত।

২৮। **ধ**=dh, d: bidhuba (বিধবা), xudhon (শোধন), xudhu (সুধু), moidhe (মধ্যে, ম'ধে), badit (বাধিত), xondhe (সন্দেহ, 'ন্দ' এর সঙ্গে 'হ' যোগে—জুং বিভা=বিবাহ), odibax (অধিবাস)।

২৯। **ধ্ব**=dh; d: xidhi (সিদ্ধি), xudha (সুখ), moidhe (=ম'ধে, ম'ধো)।

৩০। **ন**=n; সর্কজ। Nagori (নাগরী), sinta (চিন্তা), setona (চেতনা)।

৩১। **প**=p; proti (প্রতি), zope (জপে); কিন্তু ophrad, oprad (অপরোধ), দুইই পাওয়া যায়; এবং 'মণ্ডপ' স্থলে monddob।

৩২। **ফ**=ph: nophor (নফর), phol (ফল)। 'ফ'কে f দিয়া কোথাও জানান হয় নাই। আজকাল কিন্তু বাঙ্গালার ফ (ph) এর f উচ্চারণ খুব শোনা যায়, এবং তাই Fani, Profullo, Fotik প্রভৃতি বানান অনেকে লেখেন। এই বইয়ের কেবল দুই একটা কিদেশী নামে f পাইয়াছি; যেমন Francisco।

৩৩। **ব**=b: কচিং bh; bine (বিনে), dibà (দিবা), bhanaite (বানাইতে), xorbo (সর্ক), xubhaie (সবাইয়ে—পুরাণ বাঙ্গালার 'সভে'), bibhao (বিবাহ, 'বিভাও')।

৩৪। **ভ**=bh; bও পাওয়া যায়। bhoq (ভুখ), bhaguio (ভাগ্য), bhalo (ভাল), bhut (ভূত), labh (লাভ), bhozona (ভজন), bhocti, bocti (ভক্তি), bettibar (ভেটিবার), Baval (ভাওয়ার)। 'ভ'এর জন্ত v ব্যবহৃত হয় নাই। কিন্তু আজকাল Protiva (প্রতিভা), shova, sova (সভা), Vromor (ভ্রমর), Visma (ভীষ্ম), Shulov (শূলভ) Vandar (ভাঙার) প্রভৃতি বানানের কারণ এই যে, ভাষায় মহাপ্রাণ (aspirate) 'ভ'এর spirant বা উন্ন উচ্চারণ আসিয়া পড়িয়াছে; ভ=bh (যেমন সভা='সব'হা)কে আমরা বহু স্থলে (অন্ততঃ দক্ষিণবঙ্গে) ইংরেজীর vএর সঙ্গে একই মনে করি। Government, Viceroy, Victoria প্রভৃতি হিন্দী ও গুজরাভীতে গবর্নমেন্ট, বাইসরয়, বিক্টোরিয়া রূপে লেখে; মরাঠীতে অন্তঃস্থ ব-এ ব-কার যোগ করে; অর্থাৎ মরাঠীতে ওচ (wh)=v; কিন্তু বাঙ্গালার 'ভ' লেখা হয়। এইরূপ 'ফ'এর f ও 'ভ'এর v উচ্চারণ এ দেশে খুবই সম্প্রতি আসিয়াছে, এবং 'ভদ্রলোক' শ্রেণীর ছেলপিলেদের মুখেই বেশী শুনা যায়। অনেকে bh ভাল করিয়া জোর দিয়া বলিতেই পারে না; একটা ছেলেকে সংস্কৃত ব্যাকরণ পড়াইবার সময় 'স্বর্গীভ্যাম্' কিছুতেই ঠিক উচ্চারণ করাইতে পারিলাম না; যত বলি—[sud-hib-hyām], সে বলে, [s'u-dhiv-væm]--(æ=অ্যা)। বৃদ্ধ লোকদের মধ্যে কেহ কেহ কিন্তু বাঙ্গালার যে ভএর v উচ্চারণ আসিয়াছে, তাহা স্বীকার করেন না।

৩৫। **ম**=m; poromo nirmol (পরম নির্মল), dhorm (ধর্ম), dibam (দিবাম)।

৩৬। য়=০; xomoe (সময়), hoe (হয়, হএ), soee (ছয়এ, ছরে), hoen (হয়েন), doea (দয়া)। আগেকার বাংলায় প্রকৃতপক্ষে ‘য়’ [y] ছিল না; syllable এর শেষে থাকিলে, এ-কারের মতই শুনাইত; পুরাতন পুথিতে ও ছাপা বইয়ে ‘হএ, লএ, হএন, সমএ’ পাওয়া যায়। এখন কেবল ‘অ’ ও ‘আ’ এবং ‘এ’ ও ‘আ’র পরেই ‘য়’-কারের অস্তিত্ব আছে; যেমন হয়, আয়, মায়, নীচয়, দেয়; অত্যাধিক স্বরকে আশ্রয় করে, সেই স্বরেই লোপ পায়। ‘য়’ ‘রা’ = ‘ই’ ‘আ’। বাংলায় যার [yār] (=বহু), ইয়ার [iār] হইয়া দাঁড়াইয়াছে। জার্মান নাম Jacobi (যাকোবি) খ্রীষ্টীয় বিজয়চন্দ্র মজুমদার মহাশয় ভারত প্রকৃতির দিকে দৃষ্টি রাখিয়াই ‘ইয়াকোবি’ লিখিয়াছেন। ‘য়ু’ [yu] উচ্চ শিক্ষিত বাঙ্গালী ছাড়া অপরের মুখে ‘উ’। এই জন্য ‘ইউরোপ ইউরোপ,’ ‘য়ুরোপ’ অপেক্ষা থাটা বাংলা বানান।

loya—এই কথাটিতে যে y পাই, তাহা iএর বদলে ব্যবহৃত হইয়াছে;=loia (লইয়া, লয়া)।

৩৭। র=r: rup (রূপ), tor (তোর), ghore (ঘরে)। দুই চারিটা পণ্ডিতী কথায় ‘শুদ্ধ উচ্চারণ’ করিবার জন্য বাংলায় যেমন অনাবশ্যক ‘র’ আসিয়া পড়ে (যেমন ‘সাহায্য’, ‘চিন্তাবীত’), সেইরূপ রোমান বানানেও দুই এক স্থলে ‘র’এর আগমন আসিয়া গিয়াছে; যেমন zirbha (জিৰ্ভা=জিহ্বা), zormo, zormilen (জন্ম, জন্মিলেন) ‘জন্ম’ রূপটি ধর্ম, কর্ম, চর্ম প্রভৃতির সাদৃশ্যে; ধর্ম, কর্ম, চর্ম প্রভৃতি প্রাকৃত রূপের মূল যদি রেফগুস্ত হয়, তাহা হইলে ‘জন্ম’রও হইবে না কেন? ‘জন্ম’=জনম, চণ্ডীদাসের কৃষ্ণকীর্তনেও আছে; এই শব্দটি নূতন করিয়া তৈরী ‘বর্ণচোরা’ ‘জন্ম’ শব্দের বিপ্রকর্ষণে জাত। (কিছা ‘ন’ স্থানে ‘র’ আসিয়া গিয়াছে; ‘নীলদর্পণের’ তোরাপ মণ্ডলের ‘কবিতা-নচন’ মনে করাইয়া দেয়)।

৩৮। ল=l; labh (লাভ), xocol (সকল), guelo (গেল)।

৩৯। ব=৩অ, ওয়; oa, v; raqhoal (রাখোয়াল), Baval (ভাওয়াল)।

৪০। শ, ষ, স—তিনটির উচ্চারণ শ = x; xocol (সকল), xotro (শক্ত), xidhi (সিদ্ধি), xudha (খুদা), xex (শেষ)। পোর্টুগীস বানান অমুযায়ী orucer (=ক্রুসের) কথায় ce=‘সে’ পাই। বাংলায় শু, হু, ষ, শ্র শ্র শ্র প্রভৃতি স্থানে s উচ্চারণ আসে। কিন্তু সে বিষয়ে দৃষ্টি রাখা হয় নাই। মাগধী প্রাকৃতে সর্বত্রই শ; শু, হু, ষ সবই শত, শ্ব, শ্র; হয় ত শু শ্র প্রভৃতির s বৃত্ত উচ্চারণ হালের। boxto (বক্ত), axtha (আস্থা), xtob (স্তব), xtan (স্থান), xirzon (স্থজন), xrixtti (স্রষ্টি), xaxtro (শাক্ত); কিন্তু xastor—s দিয়া বানানও এক জায়গায় দেখিয়াছি)।

‘চ’ এর জন্য ch, s না হইয়া দুই তিন স্থানে যেমন x (শ) পাইয়াছি, সেই প্রকারে ‘শ’-এর জন্য x এর বদলে ch লেখাও এক আধ জায়গায় পাইয়াছি; যেমন tamacha (তামাশা)।

৪১। হ=h; hoe (হর), cohila (কহিলা), hate (হাতে), chahix (চাহিস), taha (তাহা), ohonghar (অহকার, অংখারে 'খ' আসে, সেইজন্য বোধ হয় ছুই রূপের মধ্যে পড়িয়া 'অহকার' qh দিয়া)। পোটুগীসে h উচ্চারিত হয় না, তাই খালি পোটুগীস ধরণে বানান mahia, maiha (মাইয়া=মেয়ে), habilax (অভিলাষ) এ h আসিয়াছে। এইরূপ অনাবশ্যক 'h' দেওয়া বানান গোয়ানীজেরও ছুই একটি কথার দেখিয়াছি: haz (হাজ=আজ), hostori (অস্তরী=জী)। পূর্ববঙ্গে আবার 'হ'এর উচ্চারণ অতি মুহূ; অনেক স্থলে লুপ্তও হয়; সেই কারণে ath (=হাত), anxite (হাঁসিতে, হাসিতে), xrag (সোহাগ) বানানও পাইয়াছি।

৪২। ডু=r,rr; porrite (পড়িতে), tarona (তাড়না), boro (বড়), bari (বাড়ী), capor, caporr (কাপড়), eria (এড়িয়া)। 'ড' এখন পূর্ববঙ্গে শুনা যায় না। কিন্তু rr দিয়া ড লিখিবার চেষ্টার বুঝা যায় যে, 'ড' তখন একেবারে সব জায়গায় 'র' হইয়া যায় নাই। 'ড'এর ধ্বনি বিশেষ কোনও চিহ্ন না দিলে রোমান r অক্ষরের দ্বারা জানাইতে পারা যায় না; ইংরেজী 'hard', 'arduous' এর rd ছাড়া ইউরোপীয় কোনও ভাষায় 'ড'এর কাছাকাছি ধ্বনি নাই।

৪৩। ২ এর প্রয়োগ পাই নাই। 'র জায়গায় n ব্যবহার হইয়াছে: xansa (সঁচা), panse (পাঁচে)। এই সকল শব্দে n দেখিয়া বুঝিতে পারা যায় যে, পূর্ববঙ্গে তখন অনু-নাসিক উচ্চারণ বিরল হয় নাই। ৩ পাই নাই।

৪৪। উই=ggui: agguia (আজ্ঞা=আগ্গেআ), zigguiaxa (জিজ্ঞাসা=জিগ্-গেয়াসা)। জ (=জ্ঞ)র পুরাণ উচ্চারণে অনুনাসিক আসিত না; যেমন চলিত বাঙ্গালার 'গেয়ান', হিন্দীতে গিয়াল; যজ্ঞ (=য়জ্ঞ) বাঙ্গালার মেয়েলী উচ্চারণে 'জোগ্গি', কোথাও বা 'জোগ্গি'। সংস্কৃত বর্ণ 'জ' এক তৎসম শব্দেই পাওয়া যায়, এবং এই 'গেয়া' বা 'গি' উচ্চারণ সাবেক কালের পণ্ডিতী বা 'তৎসম সদৃশ' উচ্চারণ; আধুনিক শিক্ষিত উচ্চারণেই চক্রবিন্দু আসে, 'গঁয়ান্' 'জোগ্গোঁ' শুনিতে পাওয়া যায়। খাঁতী প্রাকৃত বা বাঙ্গালা (তদ্ভব) পদে জ (গঁ, গঁয়া) আসে না। প্রাকৃতে 'জ'র রূপ হইতেছে 'ঞ' বা 'ঞ'; বাঙ্গালার তাহা 'র' ও 'ন' হইয়া যায়। যেমন—'সজ্ঞানক' (সজ্ঞানক)—সজ্ঞানঅ—সয়ানা, সেয়ানা; অজ্ঞানিক—অজ্ঞাপিঅ—আনাড়ী; রাজী—রজী—রাগী। 'জ' যেখানে ভাষায় পাওয়া যায়, তাহা সংস্কৃতের প্রভাবে, এবং হালের সংস্কৃত উচ্চারণের গতি অনুসরণ করিয়া 'গঁ'র ধ্বনি লইয়াছে।

৪৫। য-কলা=i; অক ('খির')তে ও বাঙ্গালার য-কলা আসে বলিয়া ক=qhi; xixio (খিয়া), muixio (মুনিয়া, মছিয়া), punio (পুণ্য) carzio (কার্ঘ্য); roqhia (রক্ষা)।

'য'-কলা বা 'ক'যুক্ত পদে যে 'র' বা 'ই' আসে, তাহা, এবং ইকারান্ত অনেক খাঁতী বাঙ্গালা পদের 'ই', পশ্চিম বঙ্গে লুপ্ত হয়, কিন্তু নিজ অধিষ্ঠের প্রমাণ পূর্ববর্তী বা পরবর্তী

স্বরধ্বনিকে বদলাইয়া দিয়া জানাইয়া যায়; পূর্ববঙ্গে এই ‘ই’ লুপ্ত হয় না, কিন্তু স্থান ত্যাগ করিয়া আশ্রিত ব্যঞ্জনবর্ণের পূর্বে আসে ও মুহূর্ত্তাবে উচ্চারিত হয়। রায় বাহাদুর শ্রীযুক্ত যোগেশচন্দ্র বিজ্ঞানিধি মহাশয় এই মূহ ‘ই’-কারকে [^১] এবং [^১] চিহ্ন দ্বারা নির্দেশ করেন। তাঁহার উদ্ভাবিত এই চিহ্ন বাঙ্গালা বর্ণমালায় পক্ষে চমৎকার হইয়াছে। যেমন কত্কা—[kanyā=কন্য়া], পশ্চিমের ভাষায় ‘কোন্নে’, [konné] পূর্বে ‘কন্না’ [koinna]; রাজ্য=রাজ্য; বধাক্রমে ‘রাজ্জ, রাজ্জো’, [rājjo] ও ‘রোজ্জ’, [rāzjo]; রাজি—রক্তি—রাতি ‘রাৎ’, [rāt], ‘রাৎ’ [raib]; হইল—‘হোলো’, ‘হেল’; মধ্য, মধ্য—‘মোদ্ধো’ [moddho] ‘মোদ্ধ’ [moiddho]; কল্য—কল্লিং (প্রাকৃত); কল্লি—কালি—‘কাল’ ‘কোল’। অজ্ঞ—অজ্জি—আজি—‘আজ্’ [āj], ‘আজ্’ [aiz]; রক্ষা—রক্ষ্যা—‘রোক্খে’ [rokkhe], ‘রক্খা’ [roik-kha]; লক্ষ—লক্ষ্য—‘লোক্খো’, ‘লক্খ’। ‘কৃপার শাস্ত্রের অর্থভেদে’ ও পূর্ববঙ্গের উচ্চারণ বিষয়ে এই বিশেষত্ব পাই। যেমন ooina (কত্কা=কন্না), rait (রাতি—রাৎ), moidhe (মধ্য—মোদ্ধে), raizzo (রাজ্য—রোজ্জ.), roiqha (রক্ষা—রক্খা), baix bia (বাসি বিয়া), obhaigua (‘অভাগিয়া’) প্রভৃতি। এই প্রকার বানানে দেখা যায় যে, দুশ’ বছর পূর্বে ও পূর্ববঙ্গে এই উচ্চারণ বিস্তারিত ছিল।

‘কৃপার শাস্ত্রের অর্থভেদ’এ বানান লইয়া কিছু আলোচনা করা গেল। পাঠকেরা দেখিবেন যে, ইহা হইতে বাঙ্গালা উচ্চারণের ইতিহাস উদ্ধার বিষয়ে আমরা কতটা সাহায্য পাইতে পারি। সমস্ত বইখানি বেশ ভাল করিয়া না পড়িয়া ইহার ভাষা, ব্যাকরণ ও শব্দাবলী (vocabulary) সম্বন্ধে কিছু বলবার চেষ্টা করা উচিত নয়, সে অজ্ঞ এ বিষয়ে হাত দিব না। তবে হু একটা জিনিষ বাহা চোখে পড়িয়াছে, তাহার উল্লেখ করিয়া প্রবন্ধ শেষ করিব।

পূর্ববঙ্গের ভাষার বিশেষত্বগুলি বানানে দেখিতে পাইলাম। বাক্যের (sentence) এর ঢঙে ও ‘বাঙ্গাল্যে ভাষা’র অনেক লক্ষণ পাওয়া যায়; যেমন—*aixo pola, tomi quetta?* (আইস গোলা, তুমি কেটা?), *tomi ni axthar nirupon zano?* (তুমি নি আত্মার নিরুপণ জান?)। পূর্ববঙ্গের প্রচলিত শব্দের ও রূপভেদের ব্যবহারও আছে; *saoal* (ছাওয়াল), *mala* (মাইয়া=মেয়ে), *hoe* (=হয়, হ’=হাঁ), *dibar lagui* (দিবার লাগি=দিবার জন্ত), *xuhor* (খুহর=শহর), *cazuait* (খাওয়াইতে=চুলকাইতে) ইত্যাদি। শব্দরূপে ও ক্রিয়াপদ-সাধনেও পূর্ববঙ্গের ভাষার বিশেষত্ব পাওয়া যায়। প্রথম বিত্তজিতে ‘এ’র ব্যবহার খুব সাধারণ; *mahiao punorbar zia utthilo* (মাইয়ায়ে পুনর্বার জীয়া উঠিল), *saoaler matae probi raite saotaler upore xidhi orux coriasilo* (ছাওয়ালের মাতাএ (মেয়ে) ছাওয়ালের উপরে প্রতি রাতে সিদ্ধি ক্রুশ করিয়া-ছিল), *xadhue eq crtx bhanaia boner moidhe raqhilen* (সাধুয়ে এক ক্রুশ বানাইয়া বনের মধ্যে রাখিলেন), *ohiutlt deghia tahare xtrie zlgguiaxilo* (চিন্তিত দেখিয়া তাহারে জীয়ে জিজ্ঞাসিল)। এই ‘এ’ প্রত্যয় বাঙ্গালার এখন সাধারণতঃ আকারান্ত

শব্দের পরে বসে ও 'র'রূপে লিখিত হয় ; যেমন 'ঘোড়ার ঘাস খায়', 'মায়ে ছেলেকে আদর করে', 'মায়ে স্বীয়ে'। অত্র বাঙ্গালার লোপ পাইয়াছে ; অনেক স্থলে সপ্তমী বিভক্তির 'এ' ও 'তে' মিশিয়া গিয়াছে, প্রথমা বিভক্তিতে সপ্তমীর 'তে'ও আসিয়া পড়িয়াছে। (সপ্তমীর 'এ' = অপভ্রংশে অই, হি, প্রাকৃত্তে অন্নি, অম্হি ও সংস্কৃত = স্মিন)। অসমিয়াতে 'বাবুয়ে' = বাবুতে ; অসমিয়ার এই 'এ' বিভক্তি জোরের সহিত এখনও চলিতেছে। দ্বিতীয়া বিভক্তিতে 'রে' এবং 'কে' দুই ব্যবহৃত হইয়াছে ; tomare (তোমারে), bhutere (ভুতেরে), xoolque (সকলকে)। 'রে' ক্রমশঃ অপ্ৰচল হইয়া পড়িতেছে ; কালীপ্রসন্ন সিংহের মহাভারতে খুব পাওয়া যায়, কিন্তু আধুনিক গল্পের ভাষায় 'কে'র চল বেশী। পঞ্চমী বিভক্তির hoite (হইতে) ও bhaquia (থাকিয়া = থেকে) দুইই আছে। ক্রিয়াপদে dibam (দিবাম), buzhibam (বুঝিবাম), zaiba (বাইবা), cohila (কহিলা) corila (করিলা) প্রভৃতি পদও সাধারণ ; bo (= ব, উত্তম পুরুষে), —be (বে—মধ্যম ও প্রথম পুরুষে), এবং le (লে—মধ্যম পুরুষে) প্রভৃতি রূপগুলিও আছে। বাঙ্গালা ভাষায় ক্রমবাচক সংখ্যার (ordinal number-এর) চল নাই বলিলেই হয় ; হিন্দীতে যেমন পহিলা, দ্বন্দ্বী, তিস্রী, চৌধা, বীস্রী, তীস্রী, একতীস্রী প্রভৃতি সংখ্যার চলন আছে, আজকালকার বাঙ্গালার সেরূপ নাই। প্রতি পদেই বাঙ্গালাকে অসহায় অবস্থায় সংস্কৃতের আশ্রয় লইতে হয় ; 'অষ্টচত্বাদিংশতম, চতুরশীতিতম' প্রভৃতি দীর্ঘ-ভাঙ্গা কথা ব্যবহার না করিলে যেন উপায় নাই। পুরাতন বাঙ্গালার পহিল, দোয়জ, তেয়জ প্রভৃতি পদের চলন ছিল, এখনও কচিং দেখা যায়। প্রথম, দ্বিতীয়, তৃতীয় প্রভৃতি সেই স্থান অধিকার করিয়াছে। মাসের দিন গণিতে পয়লা, দোসরা, তেসরা, চৌঠো প্রভৃতি যে পদ ব্যবহার করা হয়, তাহা হিন্দী হইতে লওয়া। এখন এক, দুই, তিন, চার প্রভৃতি সংখ্যায় 'এর' বা 'এ' বিভক্তি যোগ করিয়া খাঁটি বাঙ্গালা ক্রমসংখ্যা গড়িতে পারা যায় ; যেমন একের, দুয়ের, বা সাতের, একত্রিশের। 'কৃপার শাস্ত্রের অর্থভেদে' সংস্কৃত সংখ্যায় জায়গায় বাঙ্গালা eque (একে) (prothom প্রথম ও পাওয়া যায়), duie (দুয়ে), tine (তিনে) saire (চারে), soee (ছয়ে) প্রভৃতি ক্রমসংখ্যাই সর্বত্র ব্যবহৃত হইয়াছে। এই বিষয়টা উল্লেখযোগ্য। পূর্ববঙ্গের দু'চারখানি পুরাতন পুথিতে যেরূপ 'কুমারী' স্থলে 'অকুমারী', 'বুধা' স্থলে 'অব্রুধা', 'রজনী' অর্থে 'অরজা' পদ পাওয়া যায়, এই বইতেও সেই-রূপ ocumari, obretha কথা পাইয়াছি।

বইখানির ভাষা মোটের উপর বেশ সরল, স্বরবরে বাঙ্গালা ; যে যুগে বাঙ্গালার সহজ গল্পের বই ছিল না বলিলেই হয়, সে যুগে একজন বিদেশীর হাত দিয়া এমন বাঙ্গালা বাহির হওয়া খুবই বাহাদুরীর কথা। গল্পের ভাল বা মন্দ কোনও আদর্শ না পাওয়ার কিরিলী-কিরিলী ভাব অনেক জায়গায় ঘটিয়া গিয়াছে, কিন্তু তাহা কানে ততটা লাগে না। পোটুগীসের মূলধর্মীস অল্পবাদের চেষ্টায় এরূপ ঘটনা থাকিবে ; যেমন ami christaõ, poromexorer crepae (আমি ক্রিস্তান, পরমেশ্বরের কৃপায়) ; পোটুগীসে আছে sou christaõ, pela

graça de Dios; zeno pitar putro xorgue thaquila axilen prothibite; purux hoilen, ocumari Mariar udore; ar abar axiben mohaproloer din bichar corite zianta morar (যেন পিতার পুত্র স্বর্গে-থাকিয়া আসিলেন পৃথিবীতে; পুত্র হইলেন, অকুমারী মারিয়ার উদরে; আর আবাব আসিবেন মহাপ্রলয়ের দিন, বিচার করিতে জীৱন্ত মরার)। কতকগুলি কথার মানে বুঝিতে পারি নাই; সেগুলি পূর্ব-বাঙ্গালার ভাষার কথা হইতে পারে। পোর্টুগীস ভাষার কথাও আছে; espirito santo (এস্পিরিতু সান্ত=‘পবিত্র আত্মা’), baptismo (‘বাপ্তিস্ম’), ‘গির্জা’ (পোর্টুগীস igreja, লাতিন ecclesia) শব্দের জায়গায় কিন্তু dhormo-ghor (ধর্মঘর) পাইয়াছি। ফারসী কথাও অনেক আছে। এই সকল অপ্রচলিত ও বিদেশী শব্দের তালিকা করিবার মত ভাল করিয়া সমস্ত বইটা আমার পড়া হইয়া উঠে নাই।

গোয়ানীজ ভাষা বাঙ্গালারই মত আৰ্য্যভাষা ও অনেক সংস্কৃত কথা ছুইয়েতেই পাওয়া যায়। বঙ্গদেশে ধর্মপ্রচারের চেষ্টার পূর্বে পোর্টুগীসেরা গোয়ায় অনেক কাল ধরিয়া সেই কাজ করিতেছিলেন; গোয়ানীজেও বাইবেল এবং খ্রীষ্টানী উপাসনা-পদ্ধতিরও তর্জমা হইয়াছিল; গোয়ানীজের প্রভাবে যে খ্রীষ্টানী কথার সংস্কৃত রূপ বাঙ্গালায় না আসিয়াছিল, তাহা নহে। যেমন paradise অর্থে boiconto (বৈকুণ্ঠ), গোয়ানীজে boivoimcut; heaven অর্থে বাঙ্গালার xorgo (স্বর্গ), গোয়ানীজে sorgo। এ বিষয় অনুসন্ধান করিতে হইলে গোয়ানীজে একটু দখল চাই। কিন্তু অত করিয়া এই বই পড়িবার দরকার নাই। বাঙ্গালা ভাষার গভীর পুরাতন নমুনা ও রোমান অক্ষরে লেখার দ্রুত বাঙ্গালি উচ্চারণ-তত্ত্বের আলোচনার পক্ষে সাহায্য করে বলিয়াই বাঙ্গালা ভাষা যাহারা চর্চা করেন, তাঁহাদের নিকট এই বইয়ের আদর হওয়া উচিত। এই বইয়ের পুনর্মুদ্রণ হওয়া উচিত; অন্ততঃ ইহার বাঙ্গালা অংশটুকু, রোমান অক্ষরে যেমন আছে, তেমনি ছাপাইতে পারিলে ভাল হয়। সাহিত্য-পরিষদের পরিচালকবর্গ এ বিষয়ে বিচার করিয়া দেখিবেন।

শ্রীস্বনীতিকুমার চট্টোপাধ্যায়

তাপসী রওশন আরা

তাপসী রওশন আরার পুণ্যময় জীবনকাহিনী বাল্যলী পাঠক-পাঠিকার নিকট উপস্থিত করিতেছি। এই পবিত্রহৃদয়া আবেদার পবিত্র সমাধি-মন্দির (রওজা শরীফ) বঙ্গদেশের ২৪ পরগণার অন্তর্গত বসিরহাট মহাকুমার মধ্যে কাখুলিয়া পরগণার তারাগুণিয়া গ্রামে বর্তমান থাকিয়া প্রায় সাত শত বৎসর পূর্বের ইতিহাস স্মরণ করাইয়া দিতেছে। কিন্তু ইনি কে এবং কোথা হইতে কি প্রকারে তারাগুণিয়া গ্রামে আসিলেন, নিয়ে তাহাই প্রকাশ করিব।

১২৭২ খৃষ্টাব্দে মক্কার জমজম মহান্নার ইঁহার জন্ম হয়। এই বিহুসী মহিলার আসল নাম রওশন আরা, কিন্তু জনসমাজে ইনি রওশন বিবি নামে পরিচিত। মহাত্মা সৈয়দ করিম উল্লাহ ঠরসে এবং বিহুসী ও ধর্মশীলা মহিলা মেরুত-উন্-নেসার গর্ভে এই প্রাতঃস্মরণীয় আবেদা রওশন বিবির জন্ম হইয়াছিল। পুণ্যাত্মা সৈয়দ করিম উল্লাহ চারিটি সন্তান জন্মগ্রহণ করিয়াছিলেন। প্রথম সন্তান, বঙ্গদেশের বিখ্যাত পীর হজরৎ সৈয়দ আব্বাছ আলি ওরফে গোরচাঁদ শাহ। দ্বিতীয় তাপসী-শ্রেষ্ঠা সৈয়দা রওশন আরা ওরফে রওশন বিবি। তৃতীয় সন্তান পুণ্যাত্মা সৈয়দ শাহাদাৎ আলি এবং চতুর্থ সন্তান সৈয়দা মেহের আরা। হজরৎ শাহ সৈয়দ আব্বাছ আলী ব্যতীত, মহাত্মা সৈয়দ করিম উল্লাহ অপর তিন সন্তান, রাজর্ষি শাহ আগালের আশীর্বাদে খোদা তায়ালায় কৃপায় জন্মগ্রহণ করিয়াছিলেন, সে পরিচয় আমরা গোরচাঁদ শাহের সংক্ষিপ্ত জীবন-চরিতে প্রকাশ করিয়াছি।

১২৬৫ খৃষ্টাব্দে হজরৎ শাহ গোরচাঁদ ওরফে সৈয়দ আব্বাছ আলী জন্মগ্রহণ করেন এবং ২৪ পরগণা জেলার বসিরহাট মহাকুমার অন্তর্গত বালাগা পরগণার হাড়েয়া নামক গ্রামে, আজিও তাঁহার পবিত্র সমাধি-মন্দির বিদ্যমান রহিয়াছে। গোরচাঁদ শাহের জন্মের ১১ বৎসর পর, অর্থাৎ ১২৭৯ খৃষ্টাব্দে এই পুণ্যশীলা, তাপস-কুলশ্রেষ্ঠা বিহুসী তপস্বিনী ও চিরকোমার্য-ব্রত অবলম্বনকারিণী আবেদা রওশন আরার জন্ম হয়। রওশন আরার জন্মের দুই বৎসর পর, ১২৮১ খৃষ্টাব্দে সৈয়দ শাহাদাৎ আলীর এবং তাহার দুই বৎসর পরে ১২৮৩ খৃষ্টাব্দে সৈয়দা মেহের আরার জন্ম হয়।

রওশন আরার হৃদয়ে বাল্যকাল হইতেই ধর্মতাব আগিয়াছিল এবং তিনি ঈশ্বরে ভক্তিমনসী ছিলেন। তিনি সর্বদাই খোদা তায়ালায় আরাধনা-উপাসনা ও নাম জপ করিতেন এবং কোরাণ শরীফ পাঠ (তলাওয়াৎ) করিতে ভাল বাসিতেন। সদা সত্য কথা কহিতেন, কখনও—কোন ক্রমেই তিনি মিথ্যা কহিতেন না; মিথ্যাবাদীদিগকে তিনি আন্তরিক শ্রদ্ধা করিতেন। এমন কি, তিনি বাল্যকালে দুষ্টপ্রকৃতির বালক-বালিকাদিগের সহিত “খেলা-ধুলা” করিতেও ভালবাসিতেন না। ১২৮৩ খৃষ্টাব্দে, পাঁচ বৎসর বয়ঃক্রমকালে তাঁহার “হাতে বাড়ি” হইয়াছিল। বিভাশিকার জন্ত তাঁহাকে যে মজবে দেওয়া হইয়াছিল, সেই

মক্তবের শিক্ষক (ওস্তাদ) সর্বদাই বলিতেন,—“কালে এই কড়া (রওশন আরা) আধ্যাত্মিক সাধনার অসাধারণ উন্নতি লাভ করিবে।” রওশন আরার পরবর্তী জীবনে, তাঁহার শিক্ষকের (ওস্তাদের) এই ভবিষ্যদ্বাণী অক্ষরে অক্ষরে ফলিয়াছিল।

ইসলাম ধর্মের ব্যবস্থানুসারে বালক-বালিকাদিগের “হাতে খড়ি” দিয়া প্রথমেই স্বর্গীয় গ্রন্থ কোরাণ শরীফ পাঠ করান হয়। সুতরাং রওশন আরার জন্মও যে এই নিয়ম পালন করা হইয়াছিল, সে কথা বলাই বাহুল্য। ১২২২ খৃষ্টাব্দ পর্য্যন্ত দশ বৎসর কাল তিনি মক্তবে শিক্ষকের (ওস্তাদের) নিকট আরবী-সাহিত্য ও ব্যাকরণাদি পাঠ করিয়াছিলেন। ১২২৩ খৃষ্টাব্দে তিনি মক্তবে যাওয়া বন্ধ করেন এবং গৃহে বসিয়াই ভাষাতত্ত্ব, অলঙ্কার শাস্ত্র ও দর্শন-শাস্ত্রাদি বিবিধ গ্রন্থাবলী টীকা-টিপ্পনী ও ব্যাখ্যা সহ পাঠ করিতে আরম্ভ করেন। এই সময় ইমানের বিখ্যাত দরবেশ—শাহ আহমদ কবিরের অন্ততম প্রধান শিষ্য রাজর্ষি শাহ হাসানের নিকট তিনি মুরিদ (দীক্ষাগ্রহণ) করেন।

বিহুবী রওশন আরা অসাধারণ সুন্দরী ছিলেন। সমস্ত মক্কা নগরে তাঁহার সৌন্দর্যের কথা প্রকাশিত হইয়াছিল। তাহার উপর অতি অল্প সময়ের মধ্যে তিনি যথেষ্ট পরিমাণে বিজ্ঞা শিক্ষাও করিয়াছিলেন। ধর্মের প্রতি তাঁহার অগাধ বিশ্বাস ও ধর্মের অমূল্যলীনে তাঁহার বিশেষ আগ্রহ থাকার সংবাদ পূর্ণ-সৌরভের জ্ঞান সমস্ত মক্কা নগরে ছড়াইয়া পড়ার, মক্তার কোরেশ-বংশের অনেকেই তাঁহাকে পূজবধুরূপে গ্রহণ করিবার ইচ্ছা প্রকাশ করিয়া, মহাত্মা করিম উল্লাহ নিকট পরগাম (প্রস্তাব) প্রেরণ করিয়াছিলেন। এ দিকে সৈয়দ করিম উল্লাও ক্রমশঃ কস্তার বয়োবৃদ্ধি হইতেছে দেখিয়া, মনে মনে উপযুক্ত পাত্রের অমুসন্ধান করিতেছিলেন। অনেক অমুসন্ধানের পর একটি সদ্‌বংশজাত, সু-পাত্রের সন্ধানও পাওয়া গেল। কিন্তু ইসলাম শাস্ত্রের বিধানানুসারে, বয়স্কা কস্তার জন্ম পাত্র স্থির করা ও বিবাহ দেওয়া, কস্তার বিনামূল্যে হইতে পারে না ; সে কারণ করিম উল্লা উক্ত বিবাহ সম্বন্ধে কস্তার মতামত জানিবার জন্ত জনৈক আত্মীয়ের প্রতি ভারার্পণ করিয়াছিলেন।

— এক দিন মধ্যাহ্নকালে যখন রওশন আরা তাঁহার উপাসনা-গৃহে বসিয়া, তন্ময়—তদগত হইয়া কোরাণ শরীফ তেলাওয়াৎ (পাঠ) করিতেছিলেন, সেই সময় উক্ত বৃদ্ধা তথায় উপস্থিত হইলেন এবং কোরাণ শরীফ তেলাওয়াৎ (পাঠ) শ্রবণ করিতে লাগিলেন। যথাসময় কোরাণ শরীফ পাঠ শেষ হইলে, রওশন আরা বৃদ্ধাকে সম্বোধন করিয়া কহিলেন,—“আপনি ত এরূপ সময় কখনও আইসেন না, অতঃসময়ে আগমন কি জন্ত ?” উত্তরে বৃদ্ধা, বিবাহ সম্বন্ধীয় সকল কথা আত্মপূর্বিক রওশন আরাতে কহিলেন। রওশন আরা বৃদ্ধাকে কহিলেন,—“আমি এক জনকে হৃদয় দান করিয়াছি। যদি তাঁহার সহিত আমার বিবাহ দিতে পারেন, তবেই আমি বিবাহ করিব।” ইহা শুনিয়া বৃদ্ধা কৌতূহলপরবশ হইয়া জিজ্ঞাসা করিয়াছিলেন,—“কাহাকে হৃদয়-রাজ্যের অধীশ্বর করিয়াছ, বল ; আমরা তাহাকেই ধরিয়া আনিয়া, তোমার ঐ শূভ সিংহাসনে বসাইয়া দিব।” এ কথা শুনিয়া রওশন আরা কহিলেন—